

فَأَمَّا الَّذِينَ آمَنُوا
وَعَمِلُوا الصَّالِحَاتِ فَيُوَفِّيهِمْ
أُجُورَهُمْ وَيَزِيدُهُمْ مِنْ فَضْلِهِ

অতঃপর, যাহারা ঈমান আনে
এবং সৎ কর্ম করে অবশ্যই তিনি
তাহাদিগকে তাহাদের প্রতিদান
পূর্ণমাত্রায় দান করিবেন, অধিকন্তু
তিনি তাহাদিগকে স্বীয় ফয়ল
হইতে অতিরিক্ত দান করিবেন।

(সূরা নিসা, আয়াত: ১৭৪)



সৈয়্যদনা হযরত আমীরুল
মোমিনীন খলীফাতুল মসীহ আল
খামেস (আইঃ) আল্লাহর কৃপায়
কুশলে আছেন। আলহামদৌ
লিল্লাহ। জামাতের সদস্যদের
নিকট হুযূর আনোয়ারের
সুসাস্থ্য, দীর্ঘায়ু এবং হুযূরের
যাবতীয় উদ্দেশ্যাবলী পূর্ণ
হওয়ার জন্য ও তাঁর নিরাপত্তার
জন্য দোয়ার আবেদন রইল।
আল্লাহ তা'লা সর্বদা হুযূরের
রক্ষক ও সাহায্যকারী হন।
আমীন।

রসুলুল্লাহ (সা.)-এর বাণী

মহানবী (সা.)-এর
তিনটি উপদেশ

১১৪২) হযরত আবু হুরাইরা (রা.) থেকে বর্ণিত আছে, 'আমার
প্রাণের বন্ধু (আঁ হযরত (সা.))
আমাকে তিনটি বিষয়কে গুরুত্ব
দেওয়ার নির্দেশ প্রদান করেছেন,
যেগুলি আমি আমৃত্যু ত্যাগ করতে
পারব না। প্রতি মাসে তিন দিন
রোযা রাখা, চাশত'-এর নামায
পড়া এবং বিতর পড়ে ঘুমাতে
যাওয়া।

নিজ গৃহকে কবরে পরিণত
করো না।

১১৮৭) হযরত আব্দুল্লাহ বিন
উমর (রা.) থেকে বর্ণিত হয়েছে যে,
রসুলুল্লাহ (সা.) বলেছেন,
নিজেদের বাড়িতেও কিছু কিছু
নামায পড়ো, সেগুলিকে কবরে
পরিণত করো না।

মসজিদে হারাম এবং
মসজিদে নববীর শ্রেষ্ঠত্ব।

হযরত আবু হুরাইরাহ (রা.)
থেকে বর্ণিত হয়েছে যে, নবী করীম
(সা.) বলেছেন-'আমার এই
মসজিদে পড়া (মসজিদে নববী-
অনুবাদক) একটি নামায মসজিদে
হারাম ব্যতিরেকে অন্য স্থানে পড়া
হাজার নামায অপেক্ষা উত্তম।

(সহী বুখারী, ২য় খণ্ড, কাদিয়ান
থেকে প্রকাশিত)

এই সংখ্যায়

খতবা জুমা প্রদত্ত, ৫ ও ১২

ফেব্রুয়ারী, ২০২১

মসীহ মওউদ (আ.)-এর চ্যালেঞ্জ
হুযর (আই.)-এর সফর বৃত্তান্ত

আমার জামাত যদি খোদা তা'লার দ্বারা প্রতিষ্ঠিত না হয়ে থাকে, তবে যে কোন জাতির ইতিহাস থেকে
আমাকে বের করে দেখাও যে, খোদা তা'লার নামে মিথ্যারচনাকারী কোন ব্যক্তিকে ছাড় দেওয়া হয়েছে।

হযরত খলীফাতুল মসীহ আল খামিস (আই.)-এর বার্তা

ইলহাম ও ঐশী বার্তালাপ সংক্রান্ত আমার দাবি প্রকাশিত
হওয়া যদিও অনেক সময় অতিক্রান্ত হয়েছে, কিন্তু যদি বারাহীন
প্রকাশের সময় থেকেও ধরা হয়, তবে তা কুড়ি বছর দাঁড়ায়।
আমার বিরুদ্ধবাদীরা আমাকে মিথ্যাবাদী এবং মিথ্যাদাবীদার
বলে আখ্যায়িত করে। তাদেরকে কেউ প্রশ্ন করুক যে, খোদা
তা'লা ইলহাম ও বার্তালাপ প্রাপ্ত হওয়ার মিথ্যা দাবিকারীকে
ছেড়ে দেন না। এমনকি রসুলুল্লাহ (সা.)কেও তিনি বলেছেন,
'যদি তুমি নিজের পক্ষ থেকে কিছু রচনা করতে, তবে নিশ্চয়
আমি তোমার জীবন-শিরা ধরে ফেলতাম।' তাই অন্য কোন
ব্যক্তির সাধ্য কি? এর থেকে স্পষ্ট বোঝা যায় যে, আল্লাহর
সম্পর্কে ইলহাম নিয়ে মিথ্যা দাবিকারী কখনও ছাড় পেতে
পারে না। এখন আমি জিজ্ঞাসা করছি যে, আমার জামাত
যদি খোদা তা'লার দ্বারা প্রতিষ্ঠিত না হয়ে থাকে, তবে যে কোন
জাতির ইতিহাস থেকে আমাকে বের করে দেখাও যে, খোদা
তা'লার নামে মিথ্যারচনাকারী কোন ব্যক্তিকে ছাড় দেওয়া
হয়েছে। আমার মাপদণ্ড অনুসারে রসুলুল্লাহ (সা.)-এর ২৩
বছরের সময় কাল এক দীর্ঘ যুগ ছিল। সেই সত্যবাদী এবং
কামেল নবীর যুগের প্রায় সমপরিমাণ সময় আল্লাহ তা'লা
এখনও পর্যন্ত আমাকে দিয়েছেন। কেননা বারাহীনে আহমদীয়া
প্রকাশিত হওয়া কুড়ি বছর অতিক্রান্ত হয়েছে যা পরকাল
সম্পর্কে ধৃষ্ট নিন্দুকদের নিকট মিথ্যারচনার প্রথম যুগ হিসেবে

বিবেচিত। এখন আমি একজনের যুগ সদৃশ সময়কাল
উপস্থাপন করছি, যিনি অবিংসাবাদিতভাবে সত্যবাদী, বরং
তিনি সকল সত্যবাদীদের শিরোমণি। অথচ অত্যাচারীরা
এখনও এটিকে মিথ্যা বলে দাবি করছে। আক্ষেপ হয় যে,
আমাকে মিথ্যাবাদী হিসেবে প্রতিপন্ন করতে অশ্ব হয়ে
গিয়েছে, এতটাই যে, এই প্রত্য্যখ্যানের আঘাত রসুলুল্লাহ
(সা.)-এর উপর কিভাবে বর্তায় তা তারা দেখতে পায় না।
কেননা খোদা তা'লা যদি কুড়ি-বাইশ বছরও কোন
মিথ্যারচনাকারীকে সাহায্য করতে পারেন, তবে আমি এতে
আশ্চর্যই হব। না! বরং আমার অন্তর কেঁপে ওঠে, একথা
ভেবে যে, রসুলুল্লাহ (সা.)-এর সত্যতার সপক্ষে এরা কি
প্রমাণ উপস্থাপন করবে? এত সুদীর্ঘকাল একজন
দাবিকারককে ছাড় পেতে দেখে একজন মুসলমান তথা
রসুলুল্লাহ (সা.)-এর প্রকৃত অনুসারীর মুখ থেকে কখনই
একথা বের হতে পারে না যে সে মিথ্যাবাদীও এমন দীর্ঘ
সময় ছাড় পেয়ে যায়। যদি এমন দাবীকারকের সত্যতায়
আর অন্য কোন নিদর্শন বা দলিল প্রমাণও না মেলে, তবুও
সৎ ধারণা এবং সত্যতার দাবি মেনে তাকে প্রত্য্যখ্যান না
করাই একজন প্রকৃত মুসলমানের কর্তব্য। কেননা তার
সময়কাল রসুলুল্লাহ (সা.)-এর যুগের সঙ্গে সদৃশপূর্ণ হয়ে
গিয়েছে। (মালফুযাত, ১ম খণ্ড, পৃ: ২৭৪)

ইসলাম কেবল ব্যক্তি বিশেষের সফলতায় বিশ্বাসী নয়। আমরা যদি সমগ্র জাতির সার্বিক বিকাশ না করি, তবে সফল না হওয়ারই সামিল।

সৈয়্যাদানা হযরত মুসলেহ মওউদ
(রা.) সূরা হুদ এর ১১৩ নং আয়াত
فَأَسْتَقِمْ كَمَا أُمِرْتَ وَمَنْ تَابَ مَعَكَ وَلَا
تَطْغَوْا إِنَّهُ بِمَا تَعْمَلُونَ بَصِيرٌ
এর ব্যাখ্যায় বলেন: এই আয়াতে
ভবিষ্যত প্রজন্মের সংশোধন এবং
তরবীয়তের দিকেও ইঞ্জিত করা
হয়েছে। কিন্তু দুঃখের বিষয় হল
এবিষয়ের প্রতি খুব মানুষই মনোযোগ
দেয়। বাইহাকি শোবুল ঈমান-এ আবু
আলি সিরি-র পক্ষ থেকে বর্ণনা
করেছেন যে, আবু আলি বলেছেন-

رَأَيْتُ رَسُولَ اللَّهِ صَلَّى
اللَّهُ عَلَيْهِ وَسَلَّمَ فِي الْمَنَامِ فَقُلْتُ يَا
رَسُولَ اللَّهِ صَلَّى اللَّهُ عَلَيْهِ وَسَلَّمَ رُؤْيُ
أَنَّكَ قُلْتَ شَيْئِيهِ الْهُدَى قَالَ نَعَمْ قُلْتُ
مَا الَّذِي شَيْئِيهِ فَصَّصَ الْأَنْبِيَاءَ وَهَلَاكِ
الْأُمَّمِ قَالَ لَا وَلَكِنْ قَوْلُهُ فَأَسْتَقِمْ كَمَا
أُمِرْتَ

অর্থাৎ- আমি স্বপ্নের মধ্যে রসুলুল্লাহ
(সা.)-এর নিকট নিবেদন করি 'হে
রসুলুল্লাহ! লোকে বলে আপনি
বলেছেন - সূরা হুদ আমাকে বৃষ্ণ
করে দিয়েছে।' তিনি (সা.)
বললেন- একথা সঠিক।' আমি
জিজ্ঞাসা করলাম কোন বিষয়টি
আপনাকে বৃষ্ণ করে দিয়েছে?
নবীগণের কাহিনী এবং জাতিসমূহের
ধ্বংস হওয়া? তিনি (সা.) উত্তর
দিলেন, না, বরং 'ফাসতাকিম কামা
উমেরতা' আয়াতটি আমাকে বৃষ্ণ
করে দিয়েছে।' দারামি এবং আবু
দাউদ মারাসীল- এ এবং বাইহাকি
শোবুল ঈমান-এ কাআব (রা.) এর
পক্ষ থেকে বর্ণনা করেছেন যে
রসুলুল্লাহ (সা.) বলেছেন, সূরা
হুদকে জুমআর দিন পাঠ করো।'
এর থেকেও বোঝা যায় যে এই

আয়াতটি জামাতের ব্যবস্থাপনার
সঙ্গে সম্পর্ক রাখে। কেননা
জুমআর দিনও সমাবেশের দিন
হিসেবে বিবেচিত।

আশ্চর্য হতে হয়, যে সূরা
রসুলুল্লাহ (সা.)-এর ন্যায় গভীর
হৃদয়ে এমন প্রভাব ফেলেছে, এমনকি
তিনি অকাল বার্ধক্যে পৌঁছে
গিয়েছেন, সেই সূরা আমাদের
উপর যদি কোন প্রভাব না ফেলে।
অথচ আমাদেরকে তাঁর থেকে বেশি
ভীত হওয়া উচিত ছিল, যাতে
আমাদের সামনে থাকা কাজে
সফলতা পাই।

আসল কথা হল, ইসলাম কেবল
ব্যক্তি বিশেষের সফলতায় বিশ্বাসী
নয়। আমরা যদি সমগ্র জাতির
সার্বিক বিকাশ না করি, তবে সফল
(শেষাংশ ৯ এর পাতায়..)

لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

হযরত মসীহ মওউদ (আ.)-এর পুরস্কার সম্বলিত চ্যালেঞ্জ

আমি প্রত্যেক বিরুদ্ধবাদীকে প্রতিদ্বন্দ্বিতার জন্য আহ্বান করেছি

إِنَّ السُّؤْمَرَ لَشَرٌّ مَّا فِي الْعَالَمِ ❁ شَرُّ السُّؤْمُورِ عَدَاوَةُ الضُّلَّعَاءِ

কেবল ঈসা ইবনে মরিয়মের মৃত্যুর বিষয়ে অবিচল থাক এবং শক্তিশালী যুক্তিপ্রমাণ দ্বারা খৃষ্টানদেরকে নিরুত্তর করে দাও। এই একটি মাত্র বিতর্কে জয়যুক্ত হলেই তোমরা ধরাপৃষ্ঠ থেকে খৃষ্টধর্মের মূলোৎপাটন করতে পারবে।

হযরত মসীহ মওউদ (আ.) বলেন-

বন্ধুগণ! এখন আমার শেষ উপদেশটি শোনো। আমি একটি গোপন কথা তোমাদের বলতে চাই, খুব ভাল করে মনে রেখো। কেননা খৃষ্টানদের বিরুদ্ধে ধর্মীয় বিষয়ে তোমাদের যে সব বিতর্কের সম্মুখীন হও, সেগুলির অভিমুখ পাল্টে ফেল আর তাদের কাছে প্রমাণ করে দাও যে হযরত ঈসা ইবনে মরিয়ম বস্তুত চিরতরে মৃত্যু বরণ করেছেন। এটিই একমাত্র যুক্তি, যাতে তোমরা জয়যুক্ত হলে পৃথিবী থেকে খৃষ্টধর্মের মূলোৎপাটন করতে সক্ষম হবে। দীর্ঘ বিতর্কে জড়িয়ে তোমাদের মূল্যবান সময় অপচয়ের কোনও প্রয়োজনই নেই। শুধুমাত্র ঈসা ইবনে মরিয়মের মৃত্যুর বিষয়ে অনড় থাক এবং শক্তিশালী যুক্তিপ্রমাণ দিয়ে তাদের নিরুত্তর করে দাও। যখন তোমরা প্রমাণ করবে এবং খৃষ্টানদের হৃদয়ে এই এই বিশ্বাস বন্ধমূল করে দিবে যে, মসীহ মৃতদের অন্তর্ভুক্ত, সেদিন ধরে নিও আজ খৃষ্টধর্ম পৃথিবী থেকে বিদায় নিল। নিশ্চিতভাবে জেনে রেখো! যতদিন তাদের খোদা মারা না যায়, তাদের ধর্মের মৃত্যু ঘটবে না। তাদের সঙ্গে অন্যান্য সকল বিতর্ক অনর্থক। তাদের ধর্মের একটিই স্তম্ভ, আর সেটি হল, ঈসা ইবনে মরিয়ম এখনও আকাশে জীবিত বসে আছেন। এই স্তম্ভটিকে ভেঙে খান খান করে করে দাও। এরপর চোখ তুলে দেখ, পৃথিবীতে খৃষ্টধর্ম কোথায় আছে?

(ইয়ালায়ে আওহাম, রুহানী খাযায়েন, ৩য় খণ্ড, পৃ: ৪০২)

ঈসা (আ.)-এর মৃত্যুতেই ইসলামের জীবন

হযরত মসীহ মওউদ (আ.) বলেন-

“একথা সত্য যে হযরত ঈসা (আ.) মৃত্যু বরণ করেছেন। আমি খোদা তা'লার নামে শপথ করে বলছি, আমিই সেই প্রতিশ্রুত ব্যক্তি যার আসার কথা ছিল। আর একথাও অবধারিত যে ঈসা (আ.)-এর মৃত্যুতেই ইসলামের জীবন নিহিত।” (লেকচার লুথিয়ানা, রুহানী খাযায়েন, খণ্ড-২০, পৃ: ২৯০)

তোওয়ারফা সম্পর্কে কিছু বর্ণনা করব। হযরত মসীহ মওউদ (আ.) বলেন- “আরবী ব্যাকরণের স্পষ্ট নিয়ম, ‘তোওয়ারফা’ শব্দে যেখানে খোদা কর্তা এবং মানুষ কর্মকারক থাকে, সেখানে সব সময় তোওয়ারফা’-র অর্থ মৃত্যু দেওয়া এবং আত্মা কবজ করা হয়ে থাকে।

(তোহফা গোল্ডবিয়া, রুহানী খাযায়েন, খণ্ড-১৭, পৃ: ১৬২)

তিনি আরও বলেন- কুরআন করীম একবার বা দুইবার নয়, বরং পঁচিশ বার ঘোষণা করেছে যে তোওয়ারফা শব্দ দ্বারা কেবল আত্মা কবজ করা বোঝায়, শরীরের সঙ্গে এর কোন সম্পর্ক নেই।

(ইয়ালায়ে আওহাম, রুহানী খাযায়েন, খণ্ড-৩, পৃ: ৩৯২)

তিনি বলেন- ‘আল্লাহ তা'লা যে শব্দটি কুরআন মজীদে পঁচিশবার বর্ণনা করে স্পষ্ট করেছেন যে এর অর্থ কেবল আত্মা কবজ করা, অন্য কিছু নয়। এতদিন পর্যন্ত মানুষ এই শব্দের অর্থ ঈসা (আ.)-এর পক্ষে অন্য কিছু করত। যেন সারা জগতের জন্য তোওয়ারফা-র অর্থ আত্মাকে আটকে রাখা ছাড়া কিছুই না, কিন্তু হযরত ঈসা ইবনে মরিয়ম-এর ক্ষেত্রে এর অর্থ জীবিত তুলে নেওয়া!

(আয়েনায়ে কামালাতে ইসলাম, রুহানী খাযায়েন, খণ্ড-৫, পৃ: ৪৩)

হযরত মসীহ মওউদ (আ.) বলেন-

“‘তোওয়ারফা’-র অর্থ মৃত্যু দেওয়া নয়”- এই স্থানে এমন হটকারিতা প্রদর্শন করা নিরর্থক। কেননা আরবী অভিধানিকের সমস্ত নেতারা এই বিষয়ে ঐক্যমত যে, ব্যক্তি বিশেষের ক্ষেত্রে অর্থাৎ কোন ব্যক্তির নাম নিয়ে যদি তোওয়ারফা শব্দ ব্যবহার করা হয়, যেমন বলা হয় ‘تَوَفَّى اللَّهُ زَيْدًا’ এক্ষেত্রে এর অর্থ হবে খোদা তা'লা যায়েদকে মৃত্যু দিয়েছেন। এই কারণেই প্রমুখ

আভিধানিকরা এমন সব ক্ষেত্রে অন্য কোন অর্থ করেন না, কেবল মৃত্যু দেওয়ার অর্থই লিপিবদ্ধ করেন। আরবী ভাষায়, যেমনটি আমি বর্ণনা করেছি, এই বাক্য- تَوَفَّى فُلَانٌ وَتَوَفَّى اللَّهُ إِذَا قَبِضَ نَفْسَهُ وَفِي الضَّحَاكِ إِذَا قَبِضَ رُوحَهُ অর্থাৎ যখন বলা হবে تَوَفَّى فُلَانٌ বা تَوَفَّى اللَّهُ তখন এর কেবল অর্থ হবে অমুক ব্যক্তি মারা গেছে আর খোদা তাকে মৃত্যু দিয়েছেন। যতদূর সম্ভব হয়েছে, আমি সিহাহ সিন্তা এবং অন্যান্য হাদীসের উপর অভিনিবেশ করে জেনেছি যে, আঁ হযরত (সা.)-এর বাণী এবং সাহাবার বাণী এবং তাবেরঈনদের বাণী এবং তাবের তাবেরঈনদের বাণীতে এমন কোন দৃষ্টান্তও খুঁজে পাওয়া যায় না, যা থেকে প্রমাণ হতে পারে যে কোন ব্যক্তি বিশেষ-এর উপর তোওয়ারফা শব্দ এসেছে অর্থাৎ কোন ব্যক্তির নাম সহকারে তোওয়ারফা শব্দ ব্যবহার করা হয়েছে, যেখানে খোদা কর্তা এবং সেই ব্যক্তির কর্ম সম্পাদিত হয়েছে বা ব্যক্তি কর্মকারক হিসেবে বাক্যের মধ্যে আছে, এমন বাক্যের অর্থ মৃত্যু ছাড়াও অন্য কিছু করা হয়েছে। বরং প্রত্যেক স্থানে যেখানে নাম সহকারে কোন ব্যক্তির ক্ষেত্রে তোওয়ারফা শব্দ ব্যবহৃত হয়েছে, আর সেখানে খোদা কর্ম ও সেই ব্যক্তি কর্ম হিসেবে রয়েছে যার নাম নেওয়া হয়েছে, সেখানে এর এটাই অর্থ করা হয়েছে যে সেই ব্যক্তি মারা গেছে। আমি এমন দৃষ্টান্ত ৩০০ টিরও বেশি হাদীসে পেয়েছি, যা থেকে প্রমাণ হয় যে, যেখানেই খোদা ‘তোওয়ারফা’ শব্দের কর্তা হিসেবে ব্যবহৃত হয় আর সেই ব্যক্তি কর্মকারক হিসেবে ব্যবহৃত হয় যার নাম উল্লেখ করা হয়, সেক্ষেত্রে এর অর্থ কেবল মৃত্যু দেওয়া ছাড়া অন্য কিছু নয়। কিন্তু যাবতীয় অনুসন্ধান করেও একটিও এমন হাদীস আমি পাইনি যেখানে ‘তোওয়ারফা’-র কর্তা খোদা এবং ব্যক্তি বিশেষ কর্মকারক অর্থাৎ কোন ব্যক্তির নাম উল্লেখ করে তাকে কর্মকারক রাখা হয়েছে আর সেখানে মৃত্যুদান ছাড়া অন্য কিছু অর্থ পাওয়া গেছে।

অনুরূপভাবে কুরআন শরীফের আগাগোড়া দৃষ্টপাত করেও এটিই প্রমাণ হয়েছে। যেমন, আয়াত- تَوَفَّى مُسْلِمًا وَأَخِيضِي بِالضَّلِجِيْنِ এবং

وَإِنَّمَا نُرِيَّتْكَ بِنُضِّ الَّذِي نَعُدُّهُ أَوْ نَتَوَفَّىكَ

(বারাহীনে আহমদীয়া, ৫ম ভাগ, রুহানী খাযায়েন, খণ্ড-২১, পৃ: ৩৭৮)

এখন নীচে হযরত মসীহ মওউদ (আ.)-এর চ্যালেঞ্জ উল্লেখ করা হল।

১) যদি কোন ব্যক্তি কুরআন করীম বা রসুলুল্লাহ (সা.)-এর কোন হাদীস কিম্বা কোন প্রাচীন কোনও কবিতা ও পদ্য এবং আধুনিক আরবী কবিতা থেকে এই প্রমাণ উপস্থাপন করতে পারে যে কোন স্থানে ‘তোওয়ারফা’ শব্দের কর্তা খোদা তা'লা আর সেটি কোন আত্মাবিশিষ্ট সত্তা সম্পর্কে ব্যবহৃত হয়েছে, সেখানে আত্মা কবজ করা এবং মৃত্যু দেওয়া ছাড়া অন্য কোন অর্থও প্রমাণিত হয়েছে। অর্থাৎ শরীর কবজ করার অর্থেও ব্যবহৃত হয়েছে। আমি খোদার কসম খেয়ে বলছি, এমনটি প্রমাণ করতে পারলে এমন ব্যক্তিকে নিজের সম্পত্তির কিছু অংশ বিক্রয় করে এক হাজার টাকা নগদ হিসেবে দিব এবং ভবিষ্যতে কুরআন ও হাদীস সম্পর্কে তার জ্ঞানের শ্রেষ্ঠত্ব স্বীকার করে নিব।”

(ইয়ালায়ে আওহাম, রুহানী খাযায়েন, ৩য় খণ্ড, ৬০৩)

২) হামামাতুল বুশরা’ পুস্তকে এই চ্যালেঞ্জের পুনরাবৃত্তি করে বলেন-

আমি খোদার পবিত্র সন্তিত্ব এবং তাঁর মর্যাদার নামে শপথ করে বলছি! আমি খোদার কিতাবের প্রতিটি আয়াত পড়েছি এবং তাতে গভীর অভিনিবেশ করেছি, এরপর গভীর দৃষ্টিতে হাদীসের বই পড়েছি এবং তা নিয়েও ভেবেছি। যেখানে খোদা ‘কর্তা’ আর মানুষ ‘কর্ম’ হিসেবে উল্লেখিত, সেখানে ‘তোওয়ারফা’ শব্দের মৃত্যু বা রহু কবজ ছাড়া অন্য কোন অর্থ দেখিনি। যে এর বিপরীত অর্থ প্রমাণ করতে পারবে তার জন্য আমার পক্ষ থেকে প্রচলিত মুদ্রার এক সহস্র দেবহাম পুরস্কার থাকবে।

(হামামাতুল বুশরা, পৃ: ২৩১, উর্দু অনুবাদ)

৩) তারইয়াকুল কুলুব পুস্তকে পাঁচশ টাকা পুরস্কারের চ্যালেঞ্জ দিয়ে তিনি বলেন- ‘যে ব্যক্তি সমস্ত হাদীস এবং কুরআন শরীফকে অনুসরণ করবে এবং সমস্ত অধিধান পুস্তক ও সাহিত্যের গ্রন্থাবলী অভিনিবেশ সহকারে দেখবে, তার কাছে এবিষয়টি গোপন থাকবে না যে আরবীর প্রাচীন বাগধারা অনুসারে যখন খোদা তা'লা কর্তা মানুষ কর্মকারক হয়, সেখানে ‘তোওয়ারফা’ শব্দের অর্থ মৃত্যু ছাড়া অন্য কিছু হয় না। কেউ যদি একথা অস্বীকার করে, তবে হাদীস অথবা কুরআন কিম্বা আরবী সাহিত্যের কোন পুস্তক থেকে তার জন্য এটি দেখানো আবশ্যিক হবে যে এক্ষেত্রে ‘তোওয়ারফা’ শব্দের অন্য কোন অর্থও হতে পারে। আর এমন প্রমাণ যদি আঁ হযরত (সা.)-এর পবিত্র বাণী থেকে উপস্থাপন করতে পারে, আমি তাকে তৎক্ষণাত পাঁচশ

জুমআর খুতবা

“ হে উসমান! আল্লাহ তা'লা যদি কোনদিন এই দায়িত্ব তোমার ওপর অর্পণ করেন আর মুনাফিকরা তোমার কাছে সেই কামিজ খুলে ফেলার দাবি করে যা আল্লাহ তোমাকে পরিধান করিয়েছেন, তাহলে তুমি তা খুলবে না। ” (হাদীস)

আঁ হযরত (সা.)-এর মহা মর্যাদাবান খলীফায়ে রাশেদ, যুন নুরাইন হযরত উসমান বিন আফফান (রা.)-এর পবিত্র জীবনালেখ্য।

হযরত উসমান (রা.) হলেন সেই ব্যক্তি, যাঁর সম্পর্কে স্বয়ং মহানবী (সা.) বলেন, তিনি (রা.) ইসলামের এত সেবা করেছেন যে, এখন তিনি যা ইচ্ছা তা-ই করতে পারেন, আল্লাহ তা'লা তাকে জবাবদিহি করবেন না। তাঁর (রা.) মাঝে এত গুণাবলী সৃষ্টি হয়ে গিয়েছিল এবং তিনি পুণ্যে এতটাই উৎকর্ষ অর্জন করেছিলেন যে, আল্লাহ তা'লার আদেশের বাইরে তিনি কোন কাজ করবেন- তা মোটেই সম্ভব ছিল না।

চারজন প্রয়াত ব্যক্তির স্মৃতিচারণ এবং গায়েবানা জানাযার ঘোষণা। প্রয়াত ব্যক্তির হলে- মাননীয় আব্দুল কাদির সাহেব (শহীদ) বাযিদখেল (পেশাওয়ার), আল্লাহর পথে বন্দিশা স্বীকারকারী মাননীয় আকবর আল সাহেব (শওকত কলোনী, নানকানা সাহেব জেলা), রাবোয়ার ওকীলুল মাল (তৃতীয়) ও তাহরীকে জাদীদ মাননীয় খালিদ মাহমুদুল হাসান ভাট্টি এবং পাকিস্তানের সদর আঞ্জুমান আহমদীয়ার আইনি উপদেষ্টা মাননীয় মুবারক আহমদ তাহির সাহেব।

সৈয়দনা হযরত আমিরুল মোমিনিন খলিফাতুল মসীহ আল খামিস (আইঃ) কর্তৃক মসজিদে মুবারক, টিলফোর্ড, প্রদত্ত ৫ ফেব্রুয়ারী, ২০২১, এর জুমআর খুতবা (৫ ভবলীগ, ১৪০০ হিজরী শামসী)

সৌজন্যে: আল-ফযল ইন্টারন্যাশনাল লন্ডন

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ - بِسْمِ اللَّهِ الرَّحْمَنِ الرَّحِيمِ -
أَشْهَدُ لِلَّهِ رَبِّ الْعَالَمِينَ - الرَّحْمَنِ الرَّحِيمِ - مَلِكِ يَوْمِ الدِّينِ - إِيَّاكَ نَعْبُدُ وَإِيَّاكَ نَسْتَعِينُ -
إِهْدِنَا الصِّرَاطَ الْمُسْتَقِيمَ - صِرَاطَ الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ -

তাশাহুদ, তা'উয এবং সূরা ফাতিহা পাঠের পর হযরত আনোয়ার (আই.) বলেন: হযরত উসমান (রা.)-এর যুগের বিভিন্ন যুদ্ধ এবং বিজয়াভিজানের বর্ণনা চলছিল। আজ সে বর্ণনাই অব্যাহত থাকবে। আলী বিন মুহাম্মদ মাদায়েনী বর্ণনা করেন যে, তাবারিস্তান-এ হযরত উসমানের যুগে হযরত সাঈদ বিন আস (রা.) ৩০ হিজরী সনে যুদ্ধ করেন এবং দুর্গ জয় করেন।

(তারিখে তাবারী, ৫ম খণ্ড, পৃ: ১০২-১০৩)

অনুরূপভাবে সওয়ারী বিজয় ৩১ হিজরী সনে হয়েছে বলে বর্ণনা করা হয়। অধিকাংশ ইতিহাস গ্রন্থে এই যুদ্ধের স্থান সম্পর্কে নির্দিষ্টভাবে উল্লেখ নেই। আল্লামা ইবনে খালদুন লিখেছেন যে, এই যুদ্ধ আলেকজান্দ্রিয়ায় হয়েছে।

(তারিখ ইবনে খালদুন, ২য় খণ্ড, পৃ: ৫৭৫) (আন নাজুমু যাহারা হ ফি মুলুক মিসর ওয়াল কাহিরা, ১ম খণ্ড, পৃ: ৮০)

এক বর্ণনামতে ৩১ হিজরী সনে মুসলমানরা রোমবাসীদের সাথে একটি যুদ্ধ করে, যেটিকে সওয়ারী বলা হয়। আবু মা'শার-এর বর্ণনা অনুযায়ী সওয়ারী-র যুদ্ধ সংঘটিত হয় ৩৪ হিজরী সনে আর আসাবেদা-র সামুদ্রিক যুদ্ধ হয় ৩১ হিজরী সনে। ওয়াকদী-র মতে সওয়ারী ও আসাবেদার যুদ্ধ উভয়টি হয়েছে ৩১ হিজরী সনে।

(তারিখে তাবারী, ৫ম খণ্ড, পৃ: ১১৫)

হযরত আব্দুল্লাহ বিন সা'দ বিন আবু সারাহ যখন ফরাসী ও বারবারদের আফ্রিকিয়া এবং আন্দালুসিয়ায় পরাস্ত করেন তখন রোমের চরম ক্রোধান্বিত হয় এবং সবাই মিলে হিরাক্লিয়াসের পুত্র কনস্টানটিন-এর সাথে একত্রিত হয় এবং মুসলমানদের বিরুদ্ধে এমন এক বাহিনী নিয়ে বের হয় যার দৃষ্টিতে ইসলামের সূচনা থেকে তখন পর্যন্ত দেখা যায় নি। ৫০০ সামুদ্রিক জাহাজের নৌবহর মুসলমানদের মোকাবিলার জন্য যাত্রা করে। আমীর মুআবিয়া হযরত আব্দুল্লাহ বিন সা'দ বিন আবু সারাহকে নৌবাহিনীর আমীর নিযুক্ত করেন। উভয় বাহিনীর মাঝে কঠিন যুদ্ধ হয়। অবশেষে আল্লাহ তা'লার সাহায্যে মুসলমানরা বিজয় লাভ করে আর কনস্টানটিন এবং তার অবশিষ্ট বাহিনী পলায়ন করে।

(তারিখে তাবারী, ৫ম খণ্ড, পৃ: ১১৬ (আল বাদাইয়াত ওয়ান নাহাইয়াত লি ইবনে কাসীর, ৭ম খণ্ড, পৃ: ১৫২-১৫৩)

আর্মেনিয়া বিজয় হয় ৩১ হিজরী সনে। ওয়াকদীর উক্তি অনুযায়ী ৩১ হিজরী সনে হাবীব বিন মাসলামা ফেহরী-র হাতে আর্মেনিয়া বিজয় হয়।

(তারিখে তাবারী, ৫ম খণ্ড, পৃ: ১১৮)

খোরাসান বিজয়ের বৃত্তান্ত হলো- ৩১ হিজরী সনে হযরত আব্দুল্লাহ

বিন আমের খোরাসান-এর উদ্দেশ্যে যাত্রা করেন এবং আবরাহা শহর, তুস, আবি ওয়ার্দ এবং নাসাহ বিজয় করে তিনি সারথাস পর্যন্ত পৌঁছে যান। মারভবাসীও এ বছরই সন্ধি করে নেয়।

(তারিখে তাবারী, ৫ম খণ্ড, পৃ: ১২৩)

এই মারভ তুর্কমেনিস্তান-এ অবস্থিত, বাকি অঞ্চলগুলো ইরানে অবস্থিত। রোম অভিযান সংঘটিত হয় ৩২ হিজরীতে। ৩২ হিজরী সনে আমীর মুআবিয়া রোমের বিরুদ্ধে যুদ্ধ করেন। এমনকি তিনি কনস্টানটিনোপোল-এর দরজায় পৌঁছে যান।

(আল বাদাইয়াত ওয়ান নাহাইয়াত লি ইবনে কাসীর, ৭ম খণ্ড, পৃ: ১৫৫)

মারভ রুয, তালেকান, ফারিয়াব, জুযাজান এবং তাখারিস্তান বিজয় হয় ৩২ হিজরী সনে। ৩২ হিজরী সনে হযরত আব্দুল্লাহ বিন আমের মারভ রুয ও তালেকান জয় করেন, যা বর্তমান আফগানিস্তানে বালখ ও মারভ রুয এর মধ্যবর্তী একটি অঞ্চল। এছাড়া আফগানিস্তানের বিভিন্ন অঞ্চল যেমন ফারিয়াব, জুযাজান, তাখারিস্তান প্রভৃতি অঞ্চলও তিনি জয় করেন।

(তারিখে তাবারী, ৫ম খণ্ড, পৃ: ১২৩) (সিয়ারুস সাহাবা, ১ম খণ্ড, পৃ: ১৬৮)

আবুল আ'শাব সা'দী নিজ পিতার বরাতে বর্ণনা করেন যে, আহনাফ বিন কায়েস-এর মারভ রুয, তালেকান, ফারিয়াব এবং জুযাজানবাসীদের সাথে রাতের অন্ধকার নেমে আসা পর্যন্ত যুদ্ধ অব্যাহত থাকে। অবশেষে আল্লাহ তা'লা শত্রুদের পরাজিত করেন।

(তারিখে তাবারী, ৫ম খণ্ড, পৃ: ১৩০)

আহনাফ বিন কায়েস আকুরাহ বিন হাবেসকে একটি অশ্বারোহী দলের সাথে জুযাজান-এর উদ্দেশ্যে প্রেরণ করেন। আকুরাহকে উক্ত বাহিনীর অবশিষ্ট অংশের প্রতি প্রেরণ করা হয়েছিল যেটিকে আহনাফ পরাস্ত করেছিলেন। আকুরাহ বিন হাবেস তাদের সাথে রক্তক্ষয়ী যুদ্ধ করেন, যাতে তার অশ্ব রোহীরাও শহীদ হয়, তথাপি আল্লাহ তা'লা মুসলমানদের বিজয়ে ভূষিত করেন। (তারিখে তাবারী, ৫ম খণ্ড, পৃ: ১৩০-১৩১)

৩২ হিজরীতে বালখ বিজিত হয়। আহনাফ বিন কায়েস মরভ রুয থেকে বালখ অভিমুখে যাত্রা করেন আর সেখানে গিয়ে বালখবাসীদের অবরোধ করেন। প্রাচীন বালখ ছিল খোরাসানের একটি গুরুত্বপূর্ণ শহর আর এটি বর্তমান আফগানিস্তানের সবচেয়ে প্রাচীন শহর। বর্তমানে (এই) প্রাচীন শহরটি ধ্বংসাবশেষ রূপে বিদ্যমান রয়েছে, (আর) বালখ নদীর ডান পাশে ১২ কিলোমিটার দূরত্বে এটি অবস্থিত। সেখানকার বাসিন্দারা চার লক্ষ অংক প্রদানের শর্তে সন্ধির প্রস্তাব দিলে আহনাফ বিন কায়েস তা মেনে নেন।

(তারিখে তাবারী, ৫ম খণ্ড, পৃ: ১৩১) (মুজামুল বালদান, ১ম খণ্ড, পৃ: ৫৬৮)

হারাতের অভিযান পরিচালিত হয়েছিল ৩২ হিজরী সনে, হযরত উসমান (রা. খুলায়েদ বিন আব্দুল্লাহ বিন হানফী-কে হারাত ও বাযাগীস অভিমুখে প্রেরণ করেন। তিনি এই উভয় (স্থান) জয় করেন কিন্তু পরবর্তীতে তারা

বিদ্রোহ করে বসে এবং কারিন বাদশাহর পক্ষ অবলম্বন করে।

(তারিখে তাবারী, ৫ম খণ্ড, পৃ: ১৩১)

৩২ হিজরীতে হযরত আব্দুল্লাহ বিন আমের খোরাসানে কায়েস বিন হায়সামকে তার স্থলাভিষিক্ত নিযুক্ত করেন আর স্বয়ং সেখান থেকে প্রস্থান করেন। (তারিখে তাবারী, ৫ম খণ্ড, পৃ: ১৩২)

কারিন (বাদশাহ) মুসলমানদের বিরুদ্ধে একটি বড় সেনাদল গঠন করে রেখেছিল, (তখন) কায়েস বিন হায়সাম আমীরের দায়িত্ব আব্দুল্লাহ বিন হাযেম-এর ওপর ন্যস্ত করে সাহায্য ও সেনাশক্তি বৃদ্ধির জন্য আব্দুল্লাহ বিন আমের-এর কাছে গমন করেন।

(তারিখে তাবারী, ৫ম খণ্ড, পৃ: ১৩২-১৩৩)

প্রতিপক্ষের সেনা সংখ্যা যেহেতু অনেক বেশি ছিল তাই আব্দুল্লাহ বিন হাযেম চার হাজার সৈন্যসহ কারিন এর সাথে যুদ্ধ করার উদ্দেশ্যে যাত্রা করেন। আব্দুল্লাহ বিন হাযেম ছয়শ' সৈন্যকে অগ্র-বাহিনী হিসেবে সম্মুখে প্রেরণ করেন আর (তিনি স্বয়ং) তাদের পশ্চাতে রওয়ানা হন। সেই অগ্র-বাহিনী মাঝরাতে কারিন এর সেনাখাঁটিতে পৌঁছে এবং তাদের ওপর আক্রমণ চালায়। এই অতর্কিত আক্রমণের ফলে শত্রুরা ভীত-ত্রস্ত হয়ে পড়ে। মুসলমানদের অবশিষ্ট সৈন্যরা পৌঁছার পর শত্রুরা চরমভাবে পরাজিত হয় আর কারিন নিহত হয়। মুসলমানরা (শত্রুদের) পশ্চাৎপাশ করে আর বহু মানুষকে হত্যা ও গ্রেফতার করে।

(তারিখে তাবারী, ৫ম খণ্ড, পৃ: ১৩২)

হযরত উসমান (রা.)-এর যুগেই পাক-ভারত উপমহাদেশে ইসলাম পৌঁছে গিয়েছিল। ইমাম ইউসুফ কিতাবুল খিরাজ গ্রন্থে ইমাম যোহরী-র বরাতে লিখেছেন যে, হযরত উমর (রা.)-এর যুগে মিশর এবং সিরিয়া বিজিত হয় আর আফ্রিকিয়া, খোরাসান ও সিন্ধুর কিছু অঞ্চল হযরত উসমান (রা.)-এর যুগে বিজিত হয়।

(কিতাবুল খিরাজ, প্রণেতা- আবু ইউসুফ, পৃ:২১৮)

উপমহাদেশে ইসলামের আবির্ভাব সম্পর্কে একটি রেওয়াজে এ মর্মে পাওয়া যায় যে, হযরত উসমান (রা.)-এর খিলাফতকালে হযরত আব্দুল্লাহ বিন মুয়াম্মারকে একটি সেনাদলসহ মাকরান ও সিন্ধু অভিমুখে প্রেরণ করা হয়। মাকরান অভিযানে তিনি পরম বীরত্বের সাক্ষর রাখেন। পরবর্তীতে এর পার্শ্ববর্তী বিজিত অঞ্চলের এমারতের দায়িত্বও তার ওপর অর্পিত হয়।

(বারের সাগীর মঁ ইসলাম কে আওয়ালীন নুকুশ, প্রণেতা- মুহাম্মদ ইসহাক ভাটি, পৃ: ৬৩)

হযরত মুজাশে' বিন মাসউদ সুলাম্মী সম্পর্কে লিখিত আছে যে, হযরত মুজাশে' বর্তমান আফগানিস্তানের রাজধানী কাবুলে একটি ইসলামী সেনাদলের নেতৃত্ব প্রদান করতে গিয়ে ইসলাম বিরোধীদের সাথে জিহাদ করেন। ঐতিহাসিকদের মতে সে যুগে কাবুল ভারবর্ষের অর্ধ গত ছিল। হযরত মুজাশে' হযরত উসমান (রা.)-এর খিলাফতকালে পাকিস্তানের বেলুচিস্তান প্রদেশে ইসলাম বিরোধীদের সাথে যুদ্ধ করেন এবং এর সাথে সংযুক্ত অঞ্চল সাজস্তানে (ইসলামের) পতাকা উড্ডীন করেন। এরপর উপমহাদেশের এসব অঞ্চলে মুসলমানরা বসবাস আরম্ভ করে আর এগুলোকে স্বদেশ আখ্যায়িত করে।

(বারের সাগীর মঁ ইসলাম কে আওয়ালীন নুকুশ, প্রণেতা- মুহাম্মদ ইসহাক ভাটি, পৃ: ৬৫)

হযরত উসমান (রা.)-এর খিলাফতকালে নৈরাজ্য সৃষ্টি হওয়া সম্পর্কে মহানবী (সা.)-এর বিভিন্ন ভবিষ্যদ্বাণীও রয়েছে। হযরত আয়েশা (রা.) বর্ণনা করেন যে, মহানবী (সা.) বলেছেন, 'হে উসমান! হযরত আল্লাহ তোমাকে একটি কামিজ বা জামা পরিধান করাবেন, মানুষ যদি তোমার কাছে সেই জামা খুলে ফেলার দাবি জানায় তাহলে তুমি তাদের কথায় কখনোই সেই জামা খুলবে না।' এটি তিরমিযীর হাদীস।

(সুনানে তিরমিযি, আবওয়ালুল মানাকিব, হাদীস-৩৭০৫)

সুনান ইবনে মাজাহ'তে এই রেওয়াজেটি এভাবে বর্ণিত হয়েছে যে, হযরত আয়েশা (রা.) বর্ণনা করেন, মহানবী (সা.) বলেছেন, হে উসমান! আল্লাহ তা'লা যদি কোনদিন এই দায়িত্ব তোমার ওপর অর্পণ করেন আর মুনাফিকরা তোমার কাছে সেই কামিজ খুলে ফেলার দাবি করে যা আল্লাহ তোমাকে পরিধান করিয়েছেন, তাহলে তুমি তা খুলবে না। তিনি (সা.) তিনবার এ কথা বলেন। রেওয়াজে বর্ণনাকারী নো'মান বলেন, আমি হযরত আয়েশা (রা.)-এর কাছে নিবেদন করি যে, এ বিষয়টি মানুষকে জানাতে আপনাকে কিসে বিরত রেখেছে? হযরত আয়েশা (রা.) বলেন, আমি এই বিষয়টি ভুলে গিয়েছিলাম।

(সুনানে ইবনে মাজাহ, ইফতাহুল কিতাব, হাদীস-১১২)

হযরত কা'ব বিন উজ্জরাহ বর্ণনা করেন যে, (একবার) মহানবী (সা.) সন্নিহিতবর্তী একটি ফিতনা বা নৈরাজ্যের কথা উল্লেখ করেন। তিনি (সা.) যখন এ কথা বলছিলেন তখন এক ব্যক্তি পাশ দিয়ে যায় যার মাথা ঢাকা ছিল এবং শরীর চাদরে আবৃত ছিল। মহানবী (সা.) বলেন, যেদিন এই নৈরাজ্য দেখা দিবে সেদিন এই ব্যক্তি হেদায়েতের ওপর প্রতিষ্ঠিত থাকবে। বর্ণনাকারী বলেন, আমি ছুটে সেই ব্যক্তির কাছে যাই। তখন দেখতে পাই যে, তিনি হলেন হযরত উসমান (রা.)। আমি তাকে দুহাতে ধরে রাখি। অতঃপর আমি রসুলুল্লাহ (সা.)-এর দিকে তাকিয়ে জিজ্ঞেস করি যে, ইনিই কি সেই ব্যক্তি? মহানবী (সা.) বলেন, হ্যাঁ, ইনি-ই।

(সুনানে ইবনে মাজাহ, ইফতাহুল কিতাব, হাদীস-১১১)

হযরত আয়েশা (রা.) বলেন, রসুলুল্লাহ (সা.) নিজ অসুস্থতার সময় বলেন, আমি কতক সাহাবীকে আমার কাছে পেতে চাই। আমরা নিবেদন করি, হে আল্লাহর রসুল (সা.)! আমরা কি আপনার কাছে হযরত আবু বকর (রা.)-কে ডেকে আনব? তিনি (সা.) নীরব থাকেন। এরপর আমরা বলি, আমরা কি আপনার কাছে হযরত উমর (রা.)-কে ডেকে আনব? এতেও তিনি (সা.) নীরব থাকেন। এরপর আমরা বলি, আমরা কি আপনার কাছে হযরত উসমান (রা.)-কে ডেকে আনব? তিনি (সা.) বলেন, হ্যাঁ। (অতএব) তিনি আসেন এবং মহানবী (সা.) তার সাথে একাকীভূত সাক্ষাৎ করেন এবং আলাপচারিতায় রত হন। তখন হযরত উসমান (রা.)-এর মুখমণ্ডলের রং পরিবর্তন হচ্ছিল। কায়েস বর্ণনা করেন যে, আমার নিকট হযরত উসমান (রা.)-এর মুক্ত ক্রীতদাস আবু সাহ্লা বর্ণনা করেন যে, হযরত উসমান বিন আফফান (রা.) 'ইয়ামুদ্বার'-এ বা গৃহবন্দী থাকা অবস্থায় বলেন যে, মহানবী (সা.) আমাকে একটি তাগিদপূর্ণ নির্দেশ প্রদান করেছিলেন আর আমি সে পথেই যাচ্ছি। বর্ণনাকারী বলেন, হযরত উসমান (রা.) তখন বলেন 'আনা সাবেরুন আলাইহে' অর্থাৎ আমি এর ওপর দৃঢ়ভাবে প্রতিষ্ঠিত।

'ইয়ামুদ্বার' সেই দিনকে বলা হয় যেদিন হযরত উসমান (রা.)-কে মুনাফেকরা তার ঘরে অবরোধ করেছিল এবং এরপর অত্যন্ত নির্মমভাবে শহীদ করেছিল।

(সুনানে ইবনে মাজাহ, ইফতাহুল কিতাব, হাদীস-১১৩)

হযরত উসমান (রা.)-এর খিলাফতকালে মতানৈক্যের সূচনা এবং এর কারণ সম্পর্কে হযরত মুসলেহ মওউদ (রা.) বিশদ আলোচনা করেছেন। তিনি (রা.) বলেন,

হযরত উসমান এবং হযরত আলী দুজ নেই ইসলামের প্রারম্ভিক নিবেদিতপ্রাণ লোকদের অন্তর্ভুক্ত আর তাদের সঞ্জীরাও ইসলামের সর্বোত্তম ফসল ছিলেন। তাঁদের সততা এবং খোদাভীতির ওপর অপবাদ আরোপ করা মূলত ইসলামের প্রতি কলঙ্ক আরোপের শামিল। আর যে মুসলমানই ন্যায়পরায়ণতার সাথে এই বিষয়ে প্রণিধান করবে সে এটি মানতে বাধ্য হবে যে, প্রকৃত পক্ষে এসব পুণ্যবান লোক সকল ধরনের দলাদলির উর্ধে ছিলেন। আর এ কথা প্রমাণহীন নয়, বরং ইতিহাসের পাতা সেই ব্যক্তির জন্য এ বিষয়ে সাক্ষী যে নিরপেক্ষ দৃষ্টিতে এগুলো অধ্যয়ন করে। আমার গবেষণা অনুযায়ী উক্ত বুয়ুর্গদের এবং তাদের মিত্রদের ব্যাপারে যা কিছু বর্ণনা করা হয় তা ইসলামের শত্রুদের ষড়যন্ত্র মাত্র। যদিও সাহাবীদের মৃত্যুর পর কতক মুসলমান নামধারীরাও স্বার্থান্ধ হয়ে এই বুয়ুর্গদের একজন বা অপরজনের ওপর অপবাদ আরোপ করেছে, কিন্তু তা সত্ত্বেও সত্য সর্বদা জয়লাভ করেছে এবং বাস্তবতা কখনো পর্দার আড়ালে চাপা থাকে নি। "

(ইসলাম মঁ ইখতেলাফাত কা আগায, আনোয়ারুল উলুম, ৪র্থ খণ্ড, পৃ: ২৪৯)

উসমান (রা.)-এর বিরুদ্ধে সৃষ্টি নৈরাজ্য সম্পর্কে বর্ণনা করতে গিয়ে হযরত মুসলেহ মওউদ (রা.) বলেন,

প্রশ্ন হলো, এই নৈরাজ্যের সূচনা কোথায়? কেউ কেউ হযরত উসমান (রা.)-কে এর কারণ আখ্যা দিয়েছে, আবার কেউ কেউ হযরত আলীকে (কারণ হিসেবে আখ্যায়িত করেছে)। কেউ কেউ বলে যে, হযরত উসমান কতিপয় বিদআতের প্রচলন করেছিলেন, যার কারণে মুসলমানদের মাঝে উত্তেজনা সৃষ্টি হয়েছিল। কেউ কেউ বলে, হযরত আলী (রা.) খিলাফতের লোভে গোপন ষড়যন্ত্র আরম্ভ করেন আর হযরত উসমান (রা.)-এর বিরুদ্ধে বিরোধিতা সৃষ্টি করে তাঁকে হত্যা করিয়েছেন- যেন স্বয়ং খলীফা হতে পারেন। হযরত মুসলেহ মওউদ (রা.) বলেন, প্রকৃত বিষয় হলো, উভয় অভিযোগই ভুল। না হযরত উসমান (রা.) কোন বিদআতের সূচনা করেছিলেন আর না হযরত আলী (রা.) খলীফা হওয়ার লোভে তাঁকে হত্যা করিয়েছিলেন অথবা তাঁকে হত্যার মিশনে জড়িত ছিলেন, বরং এই

নৈরাজ্যের হেতু ছিল ভিন্ন কিছু। হযরত উসমান (রা.) এবং হযরত আলী (রা.) উভয়ের আঁচল এহেন অভিযোগ থেকে পরিপূর্ণরূপে পবিত্র ছিল। তাঁরা (উভয়ে) অতিব পবিত্র মানুষ ছিলেন। হযরত উসমান (রা.) হলেন সেই ব্যক্তি, যার সম্পর্কে স্বয়ং মহানবী (সা.) বলেন, তিনি (রা.) ইসলামের এত সেবা করেছেন যে, এখন তিনি যা ইচ্ছা তা-ই করতে পারেন, আল্লাহ তা'লা তাকে জবাবদিহি করবেন না। এটি তিরমিযিতে বর্ণিত হাদীস। হযরত মুসলেহ্ মওউদ (রা.) বলেন, উক্ত বাক্যের অর্থ এটি নয় যে, তিনি (রা.) ইসলাম ধর্ম পরিত্যাগ করলেও শাস্তিযোগ্য সাব্যস্ত হবেন না বরং উক্ত বাক্যের অর্থ হলো, তাঁর (রা.) মাঝে এত গুণাবলী সৃষ্টি হয়ে গিয়েছিল এবং তিনি পুণ্যে এতটাই উৎকর্ষ অর্জন করেছিলেন যে, আল্লাহ তা'লার আদেশের বাইরে তিনি কোন কাজ করবেন- তা মোটেই সম্ভব ছিল না। অতএব হযরত উসমান (রা.) শরীয়ত পরিপন্থী কোন বিষয় প্রচলন করার মানুষ ছিলেন না আর না হযরত আলী এমন ব্যক্তি ছিলেন যে, খিলাফতের লোভে কোন গোপন ষড়যন্ত্র করবেন।”

(ইসলাম মৈ ইখতেলাফাত কা আগায, আনোয়ারুল উলুম, ৪র্থ খণ্ড, পৃ: ২৫৩-২৫৪)

এরপর হযরত মুসলেহ্ মওউদ (রা.) বর্ণনা করেন, হযরত উসমান (রা.)-এর খিলাফতকালের প্রারম্ভিক ৬ বছর পর্যন্ত আমরা কোনরূপ নৈরাজ্য দেখতে পাই না, বরং মানুষ মোটের ওপর তাঁর প্রতি সন্তুষ্ট ছিল বলেই জানা যায়। অধিকন্তু ইতিহাস থেকে জানা যায় যে, সেই সময়ে তিনি হযরত উমর (রা.)-এর তুলনায় জনগনের কাছে অধিক প্রিয় ছিলেন। অর্থাৎ হযরত উসমান (রা.) হযরত উমর (রা.)-এর চেয়ে মানুষের কাছে অধিক প্রিয় ছিলেন আর কেবল প্রিয়-ই ছিলেন না বরং জনগনের হৃদয়ে তাঁর (রা.) প্রতাপও বিরাজমান ছিল, যেমনটি সমসাময়িক (একজন) কবি নিজ কবিতায় এর সাক্ষ্য দিয়েছেন এবং বলেছেন, হে পাপাচারিরা! উসমানের রাজত্বে মানুষের সহায়-সম্পদ লুটেপুটে খেও না, কেননা ইবনে আফফান হলেন সেই ব্যক্তি, যার সম্পর্কে তোমরা পূর্বেই অভিজ্ঞতা করেছ। তিনি (রা.) লুটেরাদের কুরআনের নীতিতে বধ করেন আর সদাসর্বদা পবিত্র কুরআনের সুরক্ষাকারী এবং মানুষের অঞ্জা-প্রত্যঞ্জা এর (তথা কুরআনের) বিধান বলবৎকারী। কিন্তু (দুর্ভাগ্যজনকভাবে) ছয় বছর পর সপ্তম বছরে আমরা এক আন্দোলন প্রত্যক্ষ করি আর সেই আন্দোলন হযরত উসমান (রা.)-এর বিরুদ্ধে নয়, বরং তা ছিল হয় সাহাবীদের বিরুদ্ধে নতুবা কতিপয় গভর্ণরের বিরুদ্ধে। যেমন তাবারী বর্ণনা করেন, হযরত উসমান (রা.) মানুষের অধিকার সংরক্ষণ সম্পর্কে পুরোপুরি যত্নবান ছিলেন, কিন্তু ঐ সকল লোক, যারা ইসলামে প্রবীন ও প্রথম সারির গণ্য হতো না, আর তারা প্রবীন মুসলমানদের ন্যায় মজলিস বা বৈঠকগুলোতে সম্মানও পেতো না আর শাসন ব্যবস্থায়ও তারা সমপরিমাণ অংশ পেতো না এবং সম্পদেও তাদের সমান অংশ থাকত না। কিছুদিন পর কতিপয় লোক এই প্রাধান্যের কারণে কঠোর পন্থা অবলম্বন করে এবং এটিকে অন্যায় আখ্যা দিতে থাকে, কিন্তু তারা সাধারণ মুসলমানদেরকে ভয়-ও পেত আর সর্বসাধারণ তাদের বিরোধিতা করতে পারে- এই আশঙ্কায় নিজেদের চিন্তাধারা (জনসম্মুখে) প্রকাশ করতো না বরং তারা যে পন্থা অবলম্বন করেছিল তা হলো, সজ্ঞাপনে সাহাবীদের বিরুদ্ধে জনমনে উত্তেজনা ছড়াত আর যখনই কোন অজ্ঞ মুসলমান অথবা কোন মুক্ত মরুবাসী দাস পেত, তখন তাদের সম্মুখে নিজেদের অভিযোগের ফিরিস্তি তুলে ধরত, ফলে অজ্ঞতা বশত অথবা সম্মান লাভের মানসে কতিপয় লোক তাদের দলে যোগ দিত আর ধীরে ধীরে এই দলের লোকবল ভারি হতে থাকে এবং (অবশেষে) তা বৃহদাকার দলে পরিণত হয়। হযরত মুসলেহ্ মওউদ (রা.) বলেন, যখন কোন নৈরাজ্য মাথা চাড়া দেয়ার থাকে, তখন নৈরাজ্যের উপকরণও অসাধারণভাবে বৃদ্ধি পেতে থাকে। একদিকে কতিপয় হিংসুটে প্রকৃতির লোকের মাঝে সাহাবীদের বিরুদ্ধে উত্তেজনা সৃষ্টি হতে থাকে, অপরদিকে সেই ইসলামী আবেগউচ্ছাস- যা ধর্ম পরিবর্তনকারী নবদীক্ষিত প্রত্যেক ব্যক্তির হৃদয়ে থেকে থাকে, তা ঐসকল নবমুসলিমের হৃদয় থেকে উবে যেতে থাকে যারা না মহানবী (সা.)-এর সাহচর্য লাভ করেছিল আর না তাঁর (সা.) সাহচর্যলাভকারী ব্যক্তিদের পাশে বসার তেমন একটা সুযোগ তাদের হয়েছিল। বরং ইসলাম গ্রহণ করা মাত্রই তারা ধারণা করে নিয়েছিল যে, তারা সব কিছু শিখে গেছে। ইসলামের প্রতি (তাদের) আবেগউচ্ছাস হ্রাস পাওয়া মাত্রই ইসলামের সেই প্রভাব, যা তাদের হৃদয়ে ছিল, তা-ও হ্রাস পায় আর তারা সেই সমস্ত পাপকর্মে আনন্দ অনুভব করতে আরম্ভ করে যাতে তারা ইসলাম গ্রহণের পূর্বে নিপতিত ছিল। তাদের অপরাধের দরুন তারা শাস্তিপ্ৰাপ্ত হয়; কিন্তু (নিজেদের) সংশোধনের পরিবর্তে

শাস্তিপ্ৰদানকারী দের অনিষ্ট সাধনে উদ্যত হয়। আর অবশেষে ইসলামী ঐক্যের পথে এক বড় প্রতিবন্ধকতা সৃষ্টির কারণ হয়। তাদের কেন্দ্র যদিও কুফায় ছিল, কিন্তু আশ্চর্যের বিষয় হলো, স্বয়ং মদীনা মুনাওয়্যারায় এমন একটি ঘটনা সংঘটিত হয় যা দ্বারা বুঝা যায় যে, সেই সময়ে কিছু লোক ইসলাম সম্পর্কে ঠিক সেরূপই অনবহিত ছিল যেসকল আজকাল গভীর অমানিশায় বসবাসকারী কতিপয় অজ্ঞ লোক হয়ে থাকে।

হোমরান ইবনে আওয়ান নামের এক ব্যক্তি ছিল যে এক নারীকে তার ইদত পালনকালীন সময়েই বিয়ে করে ফেলে। যখন হযরত উসমান (রা.) এ সম্পর্কে জানতে পারেন, তখন তিনি (রা.) তার প্রতি অসন্তুষ্ট হন এবং সেই মহিলাকে তার থেকে পৃথক করে দেন। অধিকন্তু তাকে দেশান্তর করে বসরায় পাঠিয়ে দেন। সেই সময় প্রতিভাত হয় যে, কতিপয় লোক শুধুমাত্র ইসলাম গ্রহণ করে নিজেদেরকে ইসলামের আলেম জ্ঞান করতে শুরু করেছিল। আর অধিক গবেষণার প্রয়োজন আছে বলে মনে করত না অথবা বিভিন্ন অবৈধ চিন্তাধারার অধীনে শরীয়ত অনুযায়ী আমল করাকে একটি বৃথা কর্ম জ্ঞান করত।”

(ইসলাম মৈ ইখতেলাফাত কা আগায, আনোয়ারুল উলুম, ৪র্থ খণ্ড, পৃ: ২৬২-২৬৩)

হযরত মুসলেহ্ মওউদ (রা.) বলেন, সত্য কথা হলো, এসব উন্মাদনা গোপন ষড়যন্ত্রের-ই ফলাফল ছিল। এর মূল হোতা ছিল ইহুদিরা, যাদের সাথে কতিপয় জগৎপূজারী মুসলমান যোগ দিয়েছিল, যারা ধর্মচ্যুত হয়ে গিয়েছিল। নতুবা বিভিন্ন অঞ্চলের আমীরদের কোন অপরাধ ছিল না, আর না তারা এই নৈরাজ্যের জন্য দায়ী ছিলেন। কতিপয় ইহুদী এর মূল হোতা ছিল এবং তাদের সাথে কতিপয় মুসলমানও যুক্ত হয়ে যায়। যা-হোক, হযরত উসমান (রা.) এর পক্ষ থেকে যে সকল আমীর নিযুক্ত করা হয়েছিল তাদের কোন অপরাধ ছিল না, আর তারা এই নৈরাজ্যের জন্য দায়ীও ছিলেন না। তাদের অপরাধ শুধু এতটুকুই ছিল যে, তাদেরকে হযরত উসমান (রা.) এই কাজের জন্য নিযুক্ত করেছিলেন আর হযরত উসমানের অপরাধ এটি ছিল যে, তিনি বার্ক্য এবং শারীরিক দুর্বলতা সত্ত্বেও ইসলামী ঐক্যের রক্ষা নিজের হাতে ধরে রেখেছিলেন এবং মুসলিম উম্মতের বোঝা তিনি নিজের কাঁধে বহন করছিলেন, ইসলামী শরীয়ত প্রতিষ্ঠার জন্য চিন্তিত ছিলেন এবং বিদ্রোহী ও জা লেমদের তাদের নিজেদের আকাঙ্ক্ষা অনুযায়ী দুর্বল এবং অসহায় লোকদের উপর জুলুম ও অত্যাচার করতে দিতেন না। যেমন এই বিষয়টির সত্যায়ন এ ঘটনার মাধ্যমেও হয় যে, কুফায় এই নৈরাজ্যবাদীদের একটি বৈঠক বসে। এতে আমীরুল মু'মিনিন এর অপসারণের বিষয়ে কথা হয় আর মানুষ তখন সর্বসম্মতভাবে এই মতামত দেয় যে, 'লা ওয়াল্লাহে লা ইয়ারফাউ রা'সান মাদামা উসমানা আলানাস'। অর্থাৎ কোন মানুষ ততক্ষণ পর্যন্ত মাথা তুলতে পারবে না যতক্ষণ পর্যন্ত উসমান এর শাসন রয়েছে। উসমান সেই এক সত্তা ছিলেন যিনি বিদ্রোহ থেকে বিরত রেখেছিলেন, তাই তাঁকে সরিয়ে দেওয়া আবশ্যিক হয়ে দাঁড়ায়, যেন তারা নিজেদের বাসনা পূর্ণ করতে পারে।”

(ইসলাম মৈ ইখতেলাফাত কা আগায, আনোয়ারুল উলুম, ৪র্থ খণ্ড, পৃ: ২৮২-২৮৩)

এই নৈরাজ্য সম্পর্কে বিস্তারিত বর্ণনা করতে গিয়ে হযরত মুসলেহ্ মওউদ (রা.) বলেন, তিনি সে সকল নৈরাজ্যবাদীদের ডাকেন এবং মহানবী (সা.)-এর সাহাবীদেরও একত্র করেন। সকলে একত্রিত হলে তিনি তাদের পুরো অবস্থা সম্পর্কে অবহিত করেন এবং সেই দু'জন গুপ্ত সংবাদদাতাও সাক্ষী হিসেবে দাঁড়িয়ে সাক্ষ্য দেয় যারা হযরত উসমান (রা.) কে সংবাদ দিয়েছিল যে, নৈরাজ্য সৃষ্টিকারীরা কি ধরনের নৈরাজ্য সৃষ্টি করার চেষ্টা করছে। তখন সকল সাহাবী এই ফতোয়া দেন যে, তাদেরকে হত্যা করা হোক। তারা নৈরাজ্যবাদী- যারা সংশোধনের নামে নৈরাজ্য সৃষ্টি করছে। তাদেরকে হত্যা করা হোক, কেননা মহানবী (সা.) বলেছেন, কোন ইমাম বিদ্যমান থাকা অবস্থায় যে ব্যক্তি নিজের আনুগত্য বা অন্য কারো আনুগত্যের জন্য মানুষকে ডাকে, তার প্রতি খোদা তা'লার অভিসম্পাত। তোমরা এমন ব্যক্তিকে হত্যা কর, সে যে-ই হোক না কেন। আর হযরত উমর (রা.)-এর (রা.) বক্তব্য স্মরণ করান যে, (এটি মুসলিম শরীফের রেওয়াজে) এমন কোন ব্যক্তিকে হত্যা করা আমি তোমাদের জন্য বৈধ মনে করি না যাতে আমি অংশীদার নই। অর্থাৎ রাষ্ট্রের অনুমতি বা ইশারা ব্যতীত কোন ব্যক্তিকে হত্যা করা বৈধ নয়। হযরত উসমান (রা.) সাহাবীদের ফতোয়া শুনে বলেন, না! আমরা তাদেরকে ক্ষমা করব, তাদের অজুহাত গ্রহণ করব এবং নিজেদের সমস্ত চেষ্টা দ্বারা তাদেরকে বুঝাব এবং কোন ব্যক্তির বিরোধিতা করব না; যতক্ষণ না তারা শরীয়ত নির্ধারিত সীমা লঙ্ঘন করে অথবা কুফরী করে। এরপর বলেন, তারা কিছু কথা বলেছে যা

তোমরাও জান। তাদের ধারণা হলো, তারা এ বিষয়গুলো নিয়ে আমার সাথে বিতর্ক করবে যেন ফিরে গিয়ে বলতে পারে যে, আমরা এসব বিষয়ে হযরত উসমান (রা.) এর সাথে বিতর্ক করেছি এবং তিনি হেরে গেছেন। তারা বলে, তিনি অর্থাৎ হযরত উসমান (রা.) সফরে পুরো নামায পড়েছেন। একটি সফরে আমি মক্কায় পুরো নামায আদায় করেছি অথচ মহানবী (সা.) সফরে নামায কসর করতেন। হযরত উসমান (রা.) বলেন, কিন্তু আমি শুধু মিনায় পুরো নামায পড়েছি। আর তা-ও দুটি কারণে। প্রথমত, সেখানে আমার সম্পত্তি রয়েছে আর সেখানে আমি বিয়ে করেছি। দ্বিতীয়ত, আমি জানতাম চতুর্দিক থেকে মানুষ সেই দিনগুলোতে হজ্জ করার উদ্দেশ্যে এসেছে। তাদের মাঝে অজ্ঞরা বলা আরম্ভ করবে যে, খলীফা দুই রাকাত পড়েন, তাই নামায দুই রাকাতই হবে। হযরত উসমান (রা.) সাহাবীদেরকে জিজ্ঞেস করেন যে, এ কথাটি কি সঠিক নয়? সাহাবীরা উত্তর দেন, হ্যাঁ! সঠিক। এরপর হযরত উসমান (রা.) বলেন, দ্বিতীয় আপত্তি এটা আরোপ করে যে, আমি চারণভূমি নির্ধারণ করার বিদআতের সূচনা করেছি। অথচ এ আপত্তি ভুল। চারণভূমি আমার পূর্বেই নির্ধারণ করা হয়েছিল। হযরত উমর (রা.) এর সূচনা করেছিলেন। আর আমি শুধু সদকার উটের আধিক্যের কারণে একে বিস্তৃত করেছি। যেটি সরকারী চারণভূমি ছিল, যেখানে পশু রাখা হতো সেটা বিস্তৃত করেছি। এছাড়া চারণভূমিতে যে জমি ব্যবহার করা হয়েছে সেটি কারো (ব্যক্তিগত) সম্পদ নয়; সরকারি জমি ছিল। আর এতে আমার কোন স্বার্থও ছিল না। আমার তো শুধু দুটি উট রয়েছে; অথচ আমি যখন খলীফা নির্বাচিত হয়েছিলাম তখন সমগ্র আরবে আমি সবচেয়ে বড় ধনী ছিলাম। এখন শুধু দুটি উট রয়েছে যা হজ্জের জন্য রাখা হয়েছে। এটি কি সঠিক নয়? সাহাবীরা নিবেদন করেন, জি, সঠিক। এরপর হযরত উসমান (রা.) বলেন, তারা বলে (তিনি) যুবকদের গভর্নর নিযুক্ত করেন। অথচ আমি এমন লোকদের গভর্নর নিযুক্ত করি যারা সংগৃহাবলীর অধিকারী ও সং আচার ব্যবহার করে। আর আমার পূর্বের যুগেরা আমার নিযুক্ত গভর্নরদের চেয়েও কম বয়সী লোকদের গভর্নর নিযুক্ত করেছিলেন। আর মহানবী (সা.)-এর ওপর উসামা বিন যায়েদ (রা.)-কে সেনাপতি নিযুক্ত করার কারণে এরচেয়েও বেশি আপত্তি করা হয়েছিল; যা এখন আমার ওপর করা হচ্ছে। এটি কি সঠিক নয়? সাহাবীরা বলেন, হ্যাঁ, সঠিক। হযরত উসমান বলেন, এরা মানুষের সামনে ত্রুটি তো বর্ণনা করে কিন্তু সঠিক ঘটনা বর্ণনা করে না। এভাবেই হযরত উসমান (রা.) সমস্ত আপত্তি এক একটি করে বর্ণনা করেন এবং সেগুলোর উত্তর দেন। সাহাবীরা বারবার এ কথার ওপর জোর দেন যে, এসব বিশৃঙ্খলা সৃষ্টিকারীদের হত্যা করা হোক। কিন্তু হযরত উসমান (রা.) তাদের এ কথা মানেন নি এবং তাদেরকে ছেড়ে দেন। তাবারী বলেন, 'আবাল মুসলিমুনা ইল্লা কাতলাহুম ওয়া আবা ইল্লা তরকাহ' অর্থাৎ, অবশিষ্ট সকল মুসলমান তো এদের হত্যা ব্যতীত অন্য কোন কিছুতে রাজি ছিল না, কিন্তু হযরত উসমান (রা.) শাস্তি দিতে কোনভাবেই প্রস্তুত ছিলেন না।

এ ঘটনা থেকে বুঝা যায় যে, বিশৃঙ্খলা সৃষ্টিকারীরা কোন্ কোন্ ধরনের ধোঁকা ও প্রতারণা করতো। সে যুগে যখন প্রেস এবং ভ্রমণের জন্য সেরূপ ব্যবস্থা ছিল না যা এখন রয়েছে; তাদের জন্য অজ্ঞ লোকদের পথভ্রমণ করা কতই না সহজ ছিল! প্রকৃতপক্ষে এদের কাছে নৈরাজ্য সৃষ্টির যৌক্তিক কোন কারণ ছিল না আর সত্য তাদের পক্ষে ছিল না এবং তারাও সত্যের পথে ছিল না। তাদের সকল কর্মকাণ্ডের ভিত্তি ছিল মিথ্যা ও ভ্রান্তির ওপর। শুধু হযরত উসমান (রা.)-এর অনুকম্পাই তাদের বাঁচিয়ে রেখেছিল, অন্যথায় সাধারণ মুসলমানরা তাদেরকে টুকরো টুকরো করে ফেলতো। সাহাবীরা এবং প্রবীণ মুসলমানরা কখনোই সহ্য করতে পারতেন না যে, সেই শাস্তি ও নিরাপত্তা, যা তারা নিজেদের প্রাণের বিনিময়ে অর্জন করেছিলেন, কতিপয় দুষ্টকারীর দুষ্টতির ফলে এভাবে বিনষ্ট হবে। তারা দেখছিলেন যে, এমন লোকদের শাস্তি দেয়া না হলে ইসলামী সাম্রাজ্য ধ্বংস হয়ে যাবে। কিন্তু হযরত উসমান (রা.) ছিলেন মূর্তমান দয়া, তিনি চাচ্ছিলেন যেকোনভাবে হোক এরা যেন হেদায়েত পেয়ে যায় এবং কুফরীতে মৃত্যুবরণ না করে। এভাবে তিনি তাদেরকে অবকাশ দিতেন আর তাদের প্রকাশ্য বিদ্রোহাত্মক কর্মকাণ্ড কে নিছক বিদ্রোহের ইচ্ছা আখ্যা দিয়ে শাস্তি পিছিয়ে দিতেন।

এ ঘটনা থেকে এটিও বুঝা যায় যে, সাহাবীরা তাদেরকে চরমভাবে ঘৃণা করতেন বা তাদের প্রতি একেবারেই বীতশ্রম্ব ছিলেন, কেননা প্রথমত, তারা বলেছে যে, কেবল তিনজন মদিনাবাসী আমাদের সাথে আছে অর্থাৎ নৈরাজ্যবাদীরা মদিনার কেবল তিনজনের নাম বলেছে যারা তাদের সাথে ছিল, এর অধিক নয়। অন্যান্য সাহাবীরাও যদি তাদের সাথে থাকতেন তাহলে তারা তাদের নামও উল্লেখ করত। দ্বিতীয়ত, সাহাবীরা

নিজেদের কর্মের মাধ্যমে এটিও প্রমাণ করে দিয়েছেন যে, তারা নৈরাজ্যবাদীদের কার্যকলাপকে ঘৃণা করতেন। শুধু তাই নয়, তাদের কর্মকাণ্ডকে তারা এমনই শরীয়ত পরিপন্থী জ্ঞান করতেন যে, এই অপরাধে মৃত্যুদণ্ডের চেয়ে লঘু কোন শাস্তি তারা বৈধই মনে করতেন না। সাহাবীরা যদি তাদের সাথে থাকতেন বা মদিনাবাসীরা যদি তাদের সমমনা হতো তাহলে অন্য কোন বাহানা করার তাদের কোন প্রয়োজনই ছিল না। মদিনার আরো অনেক লোক যদি তাদের সাথে থাকত তাহলে তারা তখনই হযরত উসমান (রা.)-কে হত্যা করত এবং তাঁর স্থলে অন্য কাউকে খিলাফতের জন্য বেঁছে নিত। কিন্তু আমরা দেখি, এরা শুধু হযরত উসমান (রা.)-কে হত্যা করতেই ব্যর্থ হয় নি বরং স্বয়ং তাদের প্রাণ সাহাবীদের নগ্ন তরবারির হুমকির মুখে পড়ে গিয়েছিল। আর শুধুমাত্র এই কৃপালু ও দয়ালু ব্যক্তিত্বের প্রাণভিক্ষা ও অনুগ্রহে তারা প্রাণে রক্ষা পেয়ে ফিরে যেতে পেরেছে যাকে তারা হত্যা করার সংকল্প করেছিল এবং যার বিরুদ্ধে তারা এমন নৈরাজ্য সৃষ্টি করছিল। এই নৈরাজ্যবাদীদের বিদ্বেষ এবং তাকওয়াশূন্যতা দেখে অবাক হতে হয়। এই ঘটনা থেকে তারা সামান্যতম উপকৃত হয় নি। তাদের প্রতিটি আপত্তির যথার্থ উত্তর প্রদান করা হয়েছে আর তাদের সকল অভিযোগ ভুল এবং ভিত্তিহীন প্রমাণিত করা হয়েছে। তারা হযরত উসমান (রা.)-এর কৃপা ও দয়া দেখেছে আর তাদের প্রত্যেকের প্রাণ এ সাক্ষ্য দিচ্ছিল যে, এখন ভূপৃষ্ঠে এ ব্যক্তির দৃষ্টান্ত খুঁজে পাওয়া যাবে না, তিনি এতই দয়ালু ছিলেন! কিন্তু তারা তাদের পাপ থেকে তওবা না করে, অন্যায়ে অনুশোচনা না করে, নিজেদের দোষ-ত্রুটিতে অনুতপ্ত না হয়ে এবং নিজেদের দুষ্টির পরিত্যাগ না করে ক্রোধ ও ক্ষোভের আওনে আরো বেশি দগ্ধ হতে থাকে। আর তাদের নিরুত্তর হওয়ায় নিজেদের জন্য লাঞ্ছনা মনে করে এবং হযরত উসমান (রা.)-এর ক্ষমাকেও নিজেদের চমৎকার ষড়যন্ত্রের ফসল জ্ঞান করে নিজেদের ভবিষ্যত পরিকল্পনা বাস্তবায়নের কথা চিন্তা করতে করতে ফিরে যায়।

(ইসলাম মৈ ইখতেলাফাত কা আগায, আনোয়ারুল উলুম, ৪র্থ খণ্ড, পৃ: ২৯৩-২৯৬)

ঘটনাপ্রবাহ এখনও অব্যাহত আছে- ইনশাআল্লাহ অবশিষ্টাংশ পরবর্তীতে উপস্থাপন করা হবে।

এখন আমি বিগত দিনগুলোতে মৃত্যুবরণ করেছেন এমন কতিপয় প্রয়াত ব্যক্তিবর্গের স্মৃতিচারণ করতে চাই। এদের মধ্যে সর্বপ্রথম রয়েছেন একজন শহীদ, তিনি হলেন পেশোয়ার-এর বশীর আহমদ বাযীদখেল নিবাসী আব্দুল কাদের সাহেব। তিনি গত ১১ ফেব্রুয়ারি তারিখে শাহাদাত বরণ করেন, **ইন্না লিল্লাহি ওয়া ইন্না ইলাহি রাজেউন**।

প্রাপ্ত সংবাদ অনুসারে, আব্দুল কাদের সাহেব পেশোয়ারের বাযীদখেলে অবস্থিত তার চাচা ডাক্তার মঞ্জুর আহমদ সাহেবের ক্লিনিকে কাজ করতেন। মরহুম শহীদ ক্লিনিকে উপস্থিত জামা'তের অন্যান্য আহমদী বন্ধুদের সাথে যোহরের নামায আদায়ের জন্য একটি কক্ষে সমবেত ছিলেন। তখন রোগীদের দিকের কক্ষ থেকে বেল বাজানো হয় এতে আব্দুল কাদের সাহেব দরজা খুলেন। তখন রোগীর বেশে উপস্থিত এক যুবক তাকে লক্ষ্য করে গুলি করে, ফলে মরহুম শহীদ গুরুতর আহত হন। তার বুক দুটি গুলি লাগে। তৎক্ষণাৎ তাকে হাসপাতালে নিয়ে যাওয়া হয়, কিন্তু আঘাত সহ্য করতে না পেরে আব্দুল কাদের সাহেব শহীদ হন, **ইন্না লিল্লাহি ওয়া ইন্না ইলাহি রাজেউন**। শহীদ মরহুমের বয়স ছিল ৬৫ বছর। যাহোক, পুলিশ হত্যাকারীকে গ্রেফতার করেছে অথবা মানুষ ধরে পুলিশের কাছে সপোর্দ করেছে। মরহুম শহীদের পরিবারও অন্যান্য আহমদী পরিবারের মতো দীর্ঘদিন থেকে তীব্র বিরোধিতার সম্মুখীন ছিল। ১৯ জানুয়ারি ২০০৯ তারিখে ধর্মীয় চরমপন্থীরা এই ক্লিনিকেই আক্রমণ করেছিল। যার ফলে জনাব আব্দুল কাদের সাহেবের পায়ে গুলি লেগেছিল। এ কারণে তিনি পেশোয়ার থেকে হিজরত করতে বাধ্য হয়েছিলেন এবং দীর্ঘকাল পর পেশোয়ার গিয়ে পুনরায় বসতি স্থাপন করতে সক্ষম হন। সাম্প্রতিক বিরোধিতার চেউয়ের ফলে প্রায় দুই মাস পূর্বে জামা'তের নির্দেশে পুনরায় রাবওয়ায় হিজরত করতে বাধ্য হন। বর্তমানে তার পরিবার রাবওয়াতেই আছে। তথাপি, প্রয়াত শহীদ নিজে চাকরির কারণে বাযীদখেলের উল্লিখিত ক্লিনিকে চলে যান, আর সেখানেই অবস্থান করছিলেন।

মরহুম শহীদের বংশে তার দাদা জনাব নিজামুদ্দিন আহমদের মাধ্যমে আহমদিয়াতের আগমন হয় যিনি প্রথম খিলাফতকালে বয়আত করে আহমদিয়াত গ্রহণ করার সৌভাগ্য লাভ করেছিলেন। তার দাদার বড় দুই ভাই ছিলেন। ডাক্তার ফতেহ দ্বীন সাহেব, সিভিল সার্জন পেশোয়ার এবং ইঞ্জিনিয়ার আব্দুল লতীফ সাহেব। ডাক্তার ফতেহ দ্বীন সাহেব ১৯০২ সালে

ছাত্রজীবনে হযরত মসীহ মওউদ (আ.)-এর দাবির সংবাদ শুনে কাদিয়ান গিয়ে তাঁর (আ.) সাথে সাক্ষাৎ করেছিলেন। হযরত (আ.) স্নেহভরে তার গায়ে হাত রেখে বলেছিলেন, খুব ভালো বালক; যদিও তিনি বয়সাত করতে পারেন নি। পরবর্তীতে তিনি বৃত্তি নিয়ে এখানে তথা যুক্তরাজ্যে আসেন এবং এখানে চিকিৎসা শাস্ত্রে উচ্চতর শিক্ষা অর্জন করেন। অতঃপর তিনি ১৯০৮ সালে হযরত মসীহ মওউদ (আ.)-এর মৃত্যু সংবাদ শুনে কাদিয়ান গিয়ে প্রথম খিলাফতের যুগে বয়সাত গ্রহণ করেন। তার দাদার আরেক ভাই আব্দুল লতীফ সাহেব ছিলেন একজন প্রকৌশলী। তিনিও প্রথম খিলাফতের যুগে তার ভাইয়ের সাথেই বয়সাত গ্রহণ করেন। কয়েক দিন পর দুই ভাইয়ের সম্মিলিত প্রচেষ্টায় পরিবারের অন্যান্য সদস্যরাও বয়সাত গ্রহণ করে আহমদীয়াতভুক্ত হয়; যাদের মধ্যে শহীদ মরহুমের দাদাও ছিলেন।

শহীদ মরহুম অনেক গুণাবলীর আধার ছিলেন। খিলাফতের প্রতি তার সুগভীর ভালোবাসা ছিল। জামা'তের কর্মকর্তাদের সাথে তিনি যথেষ্ট আন্তরিকতার সম্পর্ক রাখতেন; তবলীগের গভীর আগ্রহ ছিল। এজন্য তাকে বিভিন্ন প্রতিকূল পরিস্থিতিরও সম্মুখীন হতে হয়েছে। এই প্রতিকূল পরিস্থিতির দরুন বিগত দুই বছরে তিনি সাত বার ঘর পরিবর্তন করেন, কিন্তু আল্লাহ তা'লার অপার অনুগ্রহে তিনি আহমদীয়াতের ওপর প্রতিষ্ঠিত ছিলেন। তাহাজ্জুদ এবং নামায ছাড়াও কুরআন পাঠে তিনি খুবই নিয়মিত ছিলেন। তিনি ছিলেন অত্যন্ত স্নেহবৎসল, মিশুক প্রকৃতির আর জীবনভর কখনো কারো সাথে ঝগড়া-ঝাটি করেন নি। তার স্ত্রী বলেন, জীবনে বহু চড়াই-উতরাই এসেছে, কিন্তু তিনি কখনোই অগ্রাসী বা আক্রমণাত্মক ব্যবহার করেন নি। আর আমি তার সাথে কঠোরভাবে কথা বললেও তিনি সবসময় কোমলভাবে উত্তর দিতেন। সন্তানদের সাথে সর্বদা স্নেহ এবং ভালোবাসাপূর্ণ ব্যবহার করতেন। শাহাদাতের সুগভীর বাসনা রাখতেন। তিনি সবসময় বলতেন, কখনো যদি পরীক্ষার মুহূর্ত আসে তাহলে আহমদীয়া খিলাফতের সাথে বিচ্ছেদের পরিবর্তে আমি মৃত্যুকে প্রাধান্য দিব। অতঃপর তিনি লিখেন, তার নামায পড়ার দৃষ্টান্ত এমন ছিল যে, কখনো কখনো সিজদারত অবস্থায় পরিবারের সদস্যরা তার গায়ে হাত দিয়ে দেখত যে, এত দীর্ঘক্ষণ ধরে সিজদাতে লুটিয়ে আছেন, আল্লাহ না করুন, পাছে আবার কিছু হয়ে যায়নি তো! শহীদ মরহুম বায়ীদখেলেমুনতামে তরবিয়ত হিসেবেও জামা'তের কাজ করার সৌভাগ্য লাভ করেন। শহীদ মরহুম শোক সন্তপ্ত পরিবারে তার স্ত্রী সাজেদা কাদের সাহেবা ছাড়াও চার ছেলে এবং পাঁচ কন্যা রেখে গেছেন। আল্লাহ তা'লা শহীদ মরহুমের পদমর্যাদা উন্নীত করুন এবং তার ছেড়ে যাওয়া পরিবারের তত্ত্বাবধায়ক ও সাহায্যকারী হোন আর তার সন্তানসন্ততিদেরও মরহুমের সংকর্ম অব্যাহত রাখার তৌফিক দান করুন।

দ্বিতীয় জানাযা হলো, ইব্রাহীম সাহেবের পুত্র আকবর আলী সাহেবের। তিনি আসীরে রাহে মওলা তথা ধর্মীয় বিশ্বাসের কারণে কারাশাস্তি ভোগ করেন। তিনি নানকানা জেলার অন্তর্গত শওকতাবাদ-এর অধিবাসী ছিলেন। তিনি গত ১৬ ফেব্রুয়ারি তারিখে মৃত্যু বরণ করেন। আসীরে রাহে মওলা তথা বিশ্বাসের কারণে কারাশাস্তি ভোগকারী আকবর আলী সাহেব শেখুপুরা কারাগারে ১৬ ফেব্রুয়ারি, ২০২১ তারিখে হৃদযন্ত্রের ক্রিয়া বন্ধ হয়ে মৃত্যুবরণ করেন, ইন্না লিল্লাহি ওয়া ইন্না ইলাহি রাজেউন।

তার আরও দু'জন সঙ্গী ছিলেন; ০২ মে ২০২০ তারিখে তাদের বিরুদ্ধে মামলা দায়ের করা হয়েছিল এবং অক্টোবর মাসে উচ্চ-আদালতে জামিন নিশ্চিতকরণের তারিখে আদালত তাদের অন্তর্বর্তীকালীন জামিন স্থগিত করে এবং গ্রেপ্তার করার নির্দেশ দেয়। যাহোক, এই তিন সঙ্গী গ্রেপ্তার হন। এরপর নানকানার ম্যাজিস্ট্রেট সাহেব একটি আবেদনের প্রেক্ষিতে এক-তরফা শুনানি শেষে আমাদের বক্তব্য না শুনেই ২০২১ সনের জানুয়ারি মাসে ২৯-সি ধারাও যুক্ত করে দেয়, যা অত্যন্ত ভয়ংকর একটি ধারা। যাহোক, মরহুম সাড়ে চার মাস ধরে কারাবন্দি অবস্থায় ছিলেন; মৃত্যুকালে তার বয়স হয়েছিল ৫৫ বছর। আল্লাহ তা'লার কৃপায় তিনি ওসিয়ত ব্যবস্থাপনার অন্তর্ভুক্ত ছিলেন।

তার বংশে আহমদীয়াতের সূচনা তার পিতা মোকাররম ইব্রাহীম সাহেবের মাধ্যমে হয়েছিল, যিনি তার ভাই মোকাররম মিয়া ইসমাঈল সাহেবের সাথে ১৯২০ সালে দ্বিতীয় খিলাফতের যুগে বয়সাত গ্রহণ করেছিলেন। আকবর আলী সাহেব সেনাবাহিনীতে ভর্তি হন; ২০ বছর সেনাবাহিনীতে হাবিলদার হিসেবে চাকরি করেন। ১৬ বছর পূর্বে সেনাবাহিনী থেকে অবসর গ্রহণ করেন এবং এরপর নিরাপত্তাকর্মী চাকুরি করতে থাকেন। অত্যন্ত দায়িত্বশীল ও সাহসী মানুষ ছিলেন। বন্দি হওয়ার পূর্বে ব্যাংকের নিরাপত্তাকর্মী হিসেবে চাকরি করছিলেন। সেই ব্যাংকের ম্যানেজারের কাছে একজন বিরুদ্ধবাদী অভিযোগ করে যে, আপনি

আকবর আলীকে চাকরি দিয়ে রেখেছেন, সে তো কাফের! ব্যাংক ম্যানেজার উত্তরে বলেন, আমি প্রত্যেক দিন সকালে এসে সিসিটিভি রেকর্ডিং চেক করি। আকবর আলী রাতে নফল নামায পড়ে, তিলাওয়াত করে, রমজান মাসে রোযা রাখে। এই ব্যক্তি কাফের কীভাবে হতে পারে? যাহোক, ম্যানেজার খুব সাহসী কোন মানুষ ছিল। মরহুম জামা'তের প্রেসিডেন্ট হিসেবে ছয় বছর সেবা করার সৌভাগ্য লাভ করেন। বন্দি হওয়ার পূর্বে সেক্রেটারী মাল হিসেবে কাজ করছিলেন। মরহুম দরিদ্রদের প্রতি সহানুভূতিশীল, অতিথিপরায়ণ হওয়ার পাশাপাশি পরিবারের সকল সদস্যের সাথে আন্তরিক ভালবাসাপূর্ণ সম্পর্ক রাখতেন। তবলীগের খুব আগ্রহ ছিল; সবসময় যুক্তি-প্রমাণের ভিত্তিতে কথা বলতেন, যার ফলে তাকে বিরোধিতাপূর্ণ পরিস্থিতির সম্মুখীন হতে হতো। নিরাপত্তাকর্মী চাকুরিও বিরোধিতার কারণে ছেড়ে দিতে হয়। তিনি তার দুই বিধবা স্ত্রী যিনাত বিবি সাহেবা ও ফযিলত বিবি সাহেবা ছাড়া উনিশ বছরের এক পুত্র এবং ষোল বছরের এক কন্যা রেখে গেছেন। আল্লাহ তা'লা তার প্রতি ক্ষমা ও কৃপাসুলভ আচরণ করুন এবং তার পদমর্যাদা উন্নীত করুন; তার সন্তানদের নিরাপত্তা বিধান করুন ও সাহায্যকারী হোন এবং তাদেরকে মরহুমের পুণ্যসমূহ অব্যাহত রাখার সৌভাগ্য দিন।

পরবর্তী স্মৃতিচারণ হবে খালেদ মাহমুদুল হাসান ভাটি সাহেবের। সম্প্রতি তিনি রাবওয়ায় তাহরীকে জাদীদের ওকিলুল মাল সালেস ছিলেন; অনুরূপভাবে আনসারুল্লাহর নায়েব সদরও ছিলেন এবং জলসা সালানার নায়েব অফিসারও ছিলেন। তাহের হার্ট ইন্সটিটিউটে ৬৭ বছর বয়সে তিনি মৃত্যুবরণ করেন, ইন্না লিল্লাহি ওয়া ইন্না ইলাহি রাজেউন। তার দাদা বাবুল খান ভাটি সাহেব আহমদীয়াত গ্রহণ করেছিলেন, কিন্তু খালেদ মাহমুদুল হাসান ভাটি সাহেবের পিতা আহমদীয়াত গ্রহণ করেন নি; তিনি আহমদীয়াতের সত্যতার বিষয়ে আশ্বস্ত ছিলেন না। তার পিতা (অর্থাৎ মরহুমের দাদা) বয়সাত গ্রহণ করেন, কিন্তু পুত্র (মরহুমের পিতা) বয়সাত করেন নি। যাহোক, তিনি কৃষিকাজ করতেন; একদিন খামার বাড়িতে বসেছিলেন; খালেদ মাহমুদুল হাসান সাহেবের পিতাও সেখানেই চাদর বিছিয়ে শুয়ে ছিলেন। তার পিতা যে অ-আহমদী মৌলভীর মসজিদে নামায পড়তে যেতেন, সে সেখান দিয়ে যাচ্ছিল; সে-ও বসে পড়ে এবং আলাপচারিতার বিষয় গড়ায় আহমদীয়াত নিয়ে। মৌলভী সাহেব বলে, অর্থাৎ কথা প্রসঙ্গে মৌলভী একথা স্বীকার করে নেয় যে, 'আহমদীয়াত সত্য'। এতে তার পিতা তৎক্ষণাৎ নিজের মুখ থেকে চাদর সরিয়ে উঠে বসেন এবং বলেন, আহমদীয়াত যদি সত্য হয়, তাহলে আমাদেরকে ভুলপথে কেন পরিচালিত কর? তুমি তো আমাকে পথভ্রষ্ট করে বল যে, আহমদীয়াত মিথ্যা, এটি গ্রহণ করো না আর তোমার পিতার অনুসরণ করো না! যাহোক, তিনি বলেন ভালো করে শুনে নাও, সত্য যদিও আজ থেকে আমিও সের্দিকেই আছি। অতঃপর তিনি গিয়ে হযরত মুসলেহ মওউদ (রা.)-এর হাতে বয়সাত গ্রহণ করেন। খালেদ মাহমুদুল হাসান ভাটি সাহেব ১৯৭৮ সালে পাঞ্জাব বিশ্ববিদ্যালয় থেকে রাষ্ট্রবিজ্ঞানে বি.এ. করার পর এম.এ. করেন এবং ১৯৮০ সালে ইতিহাস বিষয়ে এম.এ. সম্পন্ন করেন। তারপর দুই বছর প্রভাষক হিসাবে সরকারী চাকরি করেন। দুই বছর পর পদত্যাগ করেন। ১৯৮২ সালে জীবন উৎসর্গ করেন। তিনি ৩৮ বছর বিভিন্ন পদে জামা'তের কাজ করার সুযোগ পেয়েছেন। ১৯৮২ সালে ওকালতে তামীল ও তানফিযে তাকে নিযুক্ত করা হয়। এরপর তিনি নায়েব ওকীলও ছিলেন এবং পরে ওকীলুদ্দিনওয়ানও নিযুক্ত হন। পরবর্তীতে তিনি ওকীলুল মাল সালেস ছিলেন। তিনি ইন্দোনেশিয়া, সিঙ্গাপুর, বার্মা, শ্রীলংকা, নেপাল, উগান্ডা ও অন্যান্য স্থানেও সফর করেছেন। যেখানেই সফরে যেতেন খুবই সূক্ষ্মদৃষ্টিকোণ থেকে পর্যালোচনা করতেন এবং তদনুযায়ী তাদের নির্দেশনা প্রদান করতেন। তিনি যে জামা'তেই গিয়েছেন, বিশেষভাবে বার্মা এবং শ্রীলংকার জামা'ত তার কাছ থেকে অনেক কিছু শিখেছে। সেখানকার জামা'তের কয়েকজন আমার কাছে লিখিতভাবে এটি স্বীকারও করেছেন যে, আমরা অনেক কিছু শিখেছি আর জামা'তের ব্যবস্থাপনার সঠিক ধারণা আমাদেরকে ভাটি সাহেব দিয়েছেন। খিলাফতের সাথে সম্পর্ক স্থাপনের বিষয়ে তিনি গুরুত্বপূর্ণ ভূমিকা পালন করেছেন। একইভাবে তিনি খোদামুল আহমদীয়া এবং আনসারুল্লাহর কেন্দ্রীয় আ মেলা এবং বিভিন্ন কর্মটিরও সদস্য ছিলেন। মরহুম কাযা বোর্ডেরও সদস্য ছিলেন। তার স্ত্রী নুসরাত নাহিদ সাহেবাকে আল্লাহ তা'লা দুই মেয়ে এবং এক ছেলে সন্তান দান করেছেন। তার পুত্র খুররাম উসমান সাহেব ওয়াকফে জিন্দেগী, আমাদের এখানে যুক্তরাজ্যের এম.টি.এ.-তে কাজ করেছেন। মরহুমের স্ত্রী বলেন, রাষ্ট্রবিজ্ঞানে এম.এ. সম্পন্ন করার পর তিনি নিজ পিতাকে বলেন আমি ইতিহাসেও এম.এ. করতে চাই। তার পিতা

উত্তরে বলেন, যত পড়ালেখা করতে চাও কর, কিন্তু মনে রাখবে, চাকরি যদি করতেই হয় তাহলে জামা'তের চাকরিই করো। মরহুমের স্ত্রী বলেন, ৪৩ বছরের দাম্পত্য জীবনে সর্বদা স্নেহ-ভালোবাসার ব্যবহার করেছেন। সফর থেকে যখনই তিনি ফিরে আসতেন বিভিন্ন ঘটনা শোনাতেন যে, কীভাবে আল্লাহ তা'লা তার সাথে ভালোবাসাপূর্ণ ব্যবহার করেছেন। সন্তানদের জন্য তিনি একজন স্নেহশীল পিতা ছিলেন। সন্তানদের সকল বৈধ আবদার পূরণের চেষ্টা করতেন। তার বড় মেয়ে ডাক্তার সায়মা বলেন, আমি ভিসার জন্য আবেদন করেছিলাম, দু'বার তা প্রত্যাখ্যাত হয়। তৃতীয়বার পুনরায় আমি আবেদন করি। তখন ভাটি সাহেব বাহিরে কোথাও সফরে যাচ্ছিলেন। তখন মেয়ে বলেন, আপনি সফর কয়েকদিন পিছিয়ে নিন, কেননা সামনে ভিসার তারিখ রয়েছে, দূতাবাসে যেতে হবে। এতে তিনি বলেন, এটি সম্ভব নয়; তুমি একা-ই যাও, কেননা আমি খোদা তা'লার খাতিরে এই সফরে যাচ্ছি; আল্লাহ তা'লা কৃপা করবেন। সেবার এই মেয়ে ভিসা পেয়ে যায়। মরহুমের ছোট মেয়ে বলেন, অত্যন্ত কোমল হৃদয়ের অধিকারী পিতা ছিলেন, খুবই কোমলতাপূর্ণ আচরণ করতেন। আমাদের কখনো ধমক দেন নি, অত্যন্ত ভালোবাসার সাথে আমাদের বুঝাতেন। জামা'তের কাজকে সর্বদা প্রাধান্য দিতেন। ঘরের কাজ যতই গুরুত্বপূর্ণ হোক না কেন প্রথমে অফিসের কাজ শেষ করে তবেই ঘরে ফিরতেন। সর্বদা জামা'তের সেবা করার জন্য প্রস্তুত থাকতেন। ভালোবাসা ও আন্তরিকতার সাথে জামা'তী কাজ করতেন। ধর্মকে জাগতিকতার ওপর প্রাধান্য দিতেন। আমি নিজেও দেখেছি যে, অত্যন্ত পরিশ্রমের সাথে তিনি কাজ করতেন। অত্যন্ত বিশ্বস্ততার সাথে এবং ওয়াক্ফের চেতনায় সমৃদ্ধ হয়ে সর্বদা জামা'তের কাজ করেছেন। তার এক মেয়ে বলেন, যখনই কোন কঠিন সময় এসেছে, সর্বদা তিনি আমাদেরকে খোদা তা'লার ওপর ভরসা রাখার উপদেশ দিতেন আর সর্বদা এ কথাই বলতেন যে, আল্লাহ তা'লা কখনো তোমাদের পরিত্যাগ করবেন না। আল্লাহ তা'লা কখনো আমাদের পরিত্যাগ করেন-ও নি। তার পুত্র বলেন, আমরা যখন থেকে বুঝতে শিখেছি তখন থেকেই তাকে জামা'তের কাজ করতে দেখেছি। যখনই কোন কঠিন সময় উপস্থিত হতো বা কোন পরীক্ষার সম্মুখীন হতেন, সর্বদা এ কথাই বলতেন যে, আমি যেহেতু ধর্মের কাজ করছি, আল্লাহ তা'লার কাজ করছি তাই আল্লাহ আমার কাজ করে দিবেন। পরবর্তীতে আল্লাহ তালাও কৃপা করেন আর তার কাজও সহজ হয়ে যায়। সত্যিকার অর্থে তিনি ওয়াক্ফের চেতনায় উজ্জীবিত ছিলেন। কিন্তু একই সাথে তিনি এটিও বলেন যে, জামা'তী শত ব্যস্ততা সত্ত্বেও তিনি ঘরের সমস্ত দায়িত্ব ও কর্তব্য পালনের ক্ষেত্রে কখনো ত্রুটি করেন নি। প্রতিটি জিনিসের দেখাশোনা তিনি নিজে করতেন।

তাহরীকে জাদীদের আইন বিষয়ক উপদেষ্টা হলেন, লাঠিক আবেদ সাহেব। তিনি বলেন, সুদীর্ঘ ৩৮ বছর আমি তার সাথে কাজ করেছি। তিনি জামা'তী রীতিনীতির রক্ষক ছিলেন এবং সেগুলোর প্রতি শ্রদ্ধাশীল ছিলেন। অনেক গুণের মাঝে তার একটি গুণ হলো তিনি অত্যন্ত সূক্ষ্মতার সাথে জামা'তের ধনসম্পদের হিফায়ত করাকেও অতীব জরুরী মনে করতেন। তার এক সহপাঠী মুহাম্মদ ইদ্রিস সাহেব বলেন, ওয়াক্ফ করার পর সে স্বল্পভাষী খালেদ এক স্বতন্ত্র ব্যক্তিত্বরূপে সামনে আসে। খিলাফতের প্রতি ভালোবাসার বিষয়টি হয়ত তার অঙ্গপ্রত্যঙ্গে প্রবহমান হয়ে গিয়েছিল। যুগ-খলীফার আনুগত্য করা তার প্রাত্যহিক জীবন ছিল। সর্বদা ধর্মসেবায় মগ্ন থাকা তার প্রিয় খোরাকে পরিণত হয়েছিল। ওকালতে মাল সালেস-এর এক কর্মী বলেন, অফিসে যে চিঠিই আসত তা ফেলে রাখতেন না, তাৎক্ষণিকভাবে পদক্ষেপ গ্রহণ করতেন। এছাড়া আমাদের জন্য নির্দেশনা ছিল, আজকের কাজ আজই করবে, জীবনের কোন বিশ্বাস নেই, আগামীকাল সুযোগ আসবে কিনা তার কোন নিশ্চয়তা নেই। যেভাবে আমি বলেছি, পাকিস্তানের অভ্যন্তরে এবং বহির্বিদেশে যেখানেই গিয়েছেন খুবই ভালো প্রভাব ফেলেছেন আর সেবার চেতনা নিয়ে কাজ করেছেন এবং অত্যন্ত বিশ্বস্ততার সাথে ওয়াক্ফের দায়িত্ব পালন করেছেন। আল্লাহ তা'লা তার পদমর্যদা উন্নীত করুন এবং তার সন্তানসন্তাতিকেও তার পুণ্য সমূহ ধরে রাখার সৌভাগ্য দিন।

পরবর্তী স্মৃতিচারণ হলো সদর আঞ্জুমানের আহমদীয়ার আইন বিষয়ক উপদেষ্টা জনাব মোবারক আহমদ তাহের সাহেবের। গত ১৭ ফেব্রুয়ারি তারিখে তাহের হাট ইনস্টিটিউটে ৮১ বছর বয়সে তার মৃত্যু হয়, ইন্নালিল্লাহি ওয়া ইন্না ইলাহি রাজেউন। তার পিতাশ্রদ্ধেয় সূফী গোলাম মুহাম্মদ সাহেবের মাধ্যমে ১৯২৭ সনে তাদের বংশে আহমদীয়াত আসে বা প্রবেশ করে। কাতিয়ানে জামা'ত প্রতিষ্ঠার বিষয়টি জানার পর তিনি তার আত্মীয়স্বজনের সাথে কাতিয়ান যাওয়ার সিদ্ধান্ত নেন। অতএব ১৯২৬ সনে

তিনি সিন্ধুর খারপারকার হতে জলসায় যোগদানের উদ্দেশ্যে কাতিয়ান যান। সেখানে হযরত মুসলেহ মওউদ (রা.) এবং জামা'তকে দেখে খুব প্রভাবিত হলেও বয়আত করেন নি। পরবর্তী বছর পুনরায় তিনি (কাতিয়ান যাওয়ার) নিয়ত করেন কিন্তু অন্য সঞ্জীরা অস্বীকৃতি জানায়। যাহোক পরের বছর ১৯২৭ সনে তিনি সেখানে গিয়ে জলসা শুনে আর এরপর বয়আত করেন, তখন তার বয়স ছিল ২৮ বছর। তার গ্রাম ছিল কটর আহলে হাদীসপন্থি। তার ভীষণ বিরোধিতা হয়। শঙ্কুবাড়ির লোকেরা তাকে কাফের আখ্যা দিয়ে তার স্ত্রীকে ফিরিয়ে নিয়ে যায়। যাহোক, কিছু দিন পর তার স্ত্রী বলেন, আমি তাকে দেখেছি কাফের হওয়ার পর তিনি পূর্বের চেয়ে আরো ভালো মুসলমান হয়ে গেছেন, তাই তিনি ফিরে আসেন এবং বলেন, আমি মনে করি না যে, পৃথক থাকার মতো কোন কারণ আছে। যাহোক, পুরো গ্রাম এই পরিবারকে বয়কট করে। এমনকি গ্রামের কূপ থেকে তাদের পানি নেয়া বন্ধ করে দেয়। (তখন) কয়েক মাইল দূরে গিয়ে পানি আনতে হতো। তিনি বলেন, কয়েক সপ্তাহ অতিবাহিত হওয়ার পর সেই গ্রামের কূপে পর পানি শুরু হয়ে যায়। এরপর গ্রামবাসীর মনে পড়ে যে, আমরা সূফী সাহেবের পানি বন্ধ করে দিয়েছিলাম, এজন্য আমাদের গ্রামের পানিও বন্ধ হয়ে গেছে। অতঃপর তারা যখন পুনরায় কূপ খনন করতে আরম্ভ করে তখন তারা তার কাছে এসে বলে, সর্বপ্রথম চাঁদা আপনি দিন, কেননা আপনি এই কাজে চাঁদা দিলে কূপে পানিও বের হবে আর তা প্রবহমানও থাকবে। যাহোক, তার আত্মীয়স্বজন আহমদীয়াত গ্রহণ না করলেও এ ঘটনার পর থেকে বিরোধিতা বন্ধ করে দেয়।

তার সহধর্মিণী হলেন রাশেদা পারভীন সাহেবা। আল্লাহ তা'লা তাকে ৪জন পুত্রসন্তান এবং ২জন কন্যাসন্তান দান করেছেন। তার এক পুত্র হাফেয এজায আহমদ তাহের সাহেব এখানে ইসলামাবাদে থাকেন এবং জামেয়া আহমদীয়া, যুক্তরাজ্যে শিক্ষকতা করেন। দ্বিতীয় পুত্র নাসের আহমদ তাহের সাহেব ওয়াক্ফে জিন্দেগী। তিনি রিভিউ অফ রিলিজিয়ন, কানাডায় কাজ করছেন।

জনাব মোবারক তাহের সাহেবও ১৯৬৮ সালে অর্থনীতিতে এম.এ. করেন। এরপর ১৯৬৯ সালে এল.এল.বি. ডিগ্রী অর্জন করেন এবং ১৯৭০ সালের জানুয়ারি মাসে তার ওয়াক্ফ মঞ্জুর হয়। এল.এল.বি. এবং এম.এ. করার পর ওকালতে উলিয়ায় প্রথম শ্রেণির করণিক হিসেবে তার নিযুক্তি হয়। এরপর ১৯৭১ সালের ০৫ ফেব্রুয়ারি তারিখে তাকে শিক্ষক হিসেবে উগাডায় প্রেরণ করা হয়। ১৯৭২ সালে তিনি সেখান থেকে ফিরে আসেন। এরপর ওকালতে মাল সানী-তেও কিছুকাল দায়িত্ব পালন করার সৌভাগ্য পান। অতঃপর ১৯৭৬ সালে হযরত খলীফাতুল মসীহ সালেস (রাহে.) তাকে লাহোরে বিভিন্ন উকীলের সাথে আয়কর এবং জমিজমা-সংক্রান্ত কাজের প্রশিক্ষণ নিতে বলেন। তিনি বার কাউন্সিলেরও সদস্য হন। ১৯৭০ সালে তাকে তাহরীকে জাদীদের আইন উপদেষ্টা নিযুক্ত করা হয়। ১৯৮৩ সালের ০১ জুলাই তারিখে হযরত খলীফাতুল মসীহ রাবে (রাহে.) তাকে সদর আঞ্জুমানের আহমদীয়ার আইন বিষয়ক উপদেষ্টার দায়িত্বও প্রদান করেন। তিনি আমৃত্যু উক্ত দায়িত্বে নিয়োজিত ছিলেন। ৫০ বছরেরও অধিক কাল তিনি জামা'তের কাজ করে গেছেন। কেন্দ্রীয় খোদামুল আহমদীয়ার বিভিন্ন পদে তিনি মোহতামীম হিসেবে দায়িত্ব পালনের তৌফিক পেয়েছেন।

তার স্ত্রী রাশেদা পারভীন সাহেবা বলেন, সর্বদা তিনি হাস্যবদনে গৃহে প্রবেশ করতেন, সালাম বিনিময় করতেন এবং প্রথমে নামায পড়তেন আর এরপর খাবার খেতেন। তিনি আরো বলেন, সকল খলীফার সাথেই তার স্মৃতিবিজড়িত বহু ঘটনা ছিল আর যখন তিনি নিজ পরিবারের ছেলেমেয়ের সাথে বসতেন তখন তাদেরকে ঈমানোদ্দীপক ঘটনা শুনাতেন, খিলাফতের সাথে সম্পৃক্ত থাকার কল্যাণে আল্লাহ তা'লার কৃপা ও পুরস্কাররাজি লাভ হওয়ার কথা বলতেন। নীরবে অভাবীদের সাহায্য করতেন, এমনকি আমরাও টের পেতাম না। সাহায্য গ্রহীতা নিজে থেকে এসে বলে গেলে বা কোনভাবে অবগত করলে আমরা জানতে পারতাম। অন্যের দুঃখে দুঃখী এবং আনন্দে আনন্দিত হতেন। নফল নামায পড়তেন, কুরআন তিলাওয়াত করতেন এবং দরুদ শরীফ পড়তেন। তিনি বলতেন, ওয়াক্ফে জিন্দেগীর কাজের সফলতার দায়িত্ব খোদা নিজের হাতে নিয়ে নেন। খোদার ওপর ভরসা রাখুন, দোয়া ও ইস্তেগফার করুন, খিলাফতের প্রতি ভালোবাসা পোষণ করুন এবং দোয়ার আবেদন জানিয়ে যুগ-খলীফকে পত্র লিখুন- এগুলো খুবই জরুরী বিষয়। এ সবগুলো কথাই সত্য কথা। তার মাঝে খোদার প্রতি গভীর আস্থা ছিল। আমি যখন নাযেরে আলা ছিলাম তখনও দেখেছি এবং এর পূর্বেও তার সাথে কিছু কাজ করতে গিয়ে দেখেছি যে, তার খোদানির্ভরতা ছিল অতি উন্নত মানের। তিনি বলতেন,

জামা'তের কাজ আর যুগখলীফার দোয়া সাথে আছে, তাই হয়ে যাবে, ইনশাআল্লাহ্। সদকা, খয়রাত এবং দোয়ার মাধ্যমে কাজ আরম্ভ করতেন আর আল্লাহ্ তা'লার কৃপায় সফলতাও লাভ করতেন।

তার পুত্র হাফেয এজায সাহেব লিখেন, তিনি একটি ঘটনা শুনিয়েছেন যে, ১৯৬৭ সালে একবার হযরত খলীফাতুল মসীহ সালেস (রাহে.) ট্রেনে করার্চা যাচ্ছিলেন। হায়দ্রাবাদ স্টেশনে কিছুক্ষণের জন্য ট্রেন থামে। বহু সংখ্যক আহমদী সদস্য হযুরের সাথে সাক্ষাতের উদ্দেশ্যে সেখানে আসে। হযুর (রাহে.) ট্রেনের দরজায় দাঁড়িয়ে ছিলেন আর হাতের ইশারায় তিনি জনাব মোবারক তাহের সাহেবকে ডাকেন। ইতিপূর্বে তার সাথে হযুরের কোন পরিচয় ছিল না। কমপক্ষে তার এ ধারণা ছিল যে, হযুর (রাহে.) তাকে চিনেন না। যাহোক, তিনি বলেন, ভিড়ের মধ্যে মোবারক তাহের সাহেব হযুরের দিকে এগিয়ে যান আর দরজার নিকটে পৌঁছার পর হযুর (রাহে.) তাঁর শেরওয়ানীর পকেট থেকে কিছু অর্থ বের করে মোবারক তাহের সাহেবের পকেটে ঢুকিয়ে দেন। এরপর ট্রেন চলে যায়। মোবারক সাহেব প্রায়শই বলতেন, হযরত খলীফাতুল মসীহ সালেস (রাহে.) যে অর্থ আমার পকেটে দিয়েছিলেন তার কল্যাণে সর্বদা আমার পকেট ভরা থাকে আর এটিই বাস্তবতা। আল্লাহ্ তা'লা তার পকেট সর্বদা ভরা রেখেছেন আর তার কতিপয় উপার্জন অস্বাভাবিকভাবে হতো। এভাবেই তিনি সে অর্থ দরিদ্রদের জন্য ব্যয় করতেন। জামা'তের জন্যও তিনি অনেক ব্যয় করতেন।

যাহোক, কিছুকাল পর তিনি একটি স্বপ্নের ভিত্তিতে জীবন উৎসর্গ করেন। তিনি যখন জীবন উৎসর্গ করেন তখন তার বিয়ে ঠিক হয়েছিল আর নিকাহও পড়ানো হয়েছিল। তিনি হায়দ্রাবাদে থাকতেন। এক আত্মীয়া তার স্ত্রীকে চিকিৎসা করানোর জন্য নিয়ে আসে এবং তাকেও বলেন যে, ডাক্তারের কাছে যেতে হবে। ট্রেন থেকে নামার পর সেই আত্মীয়া বলে বসেন যে, শুনেছি আপনি নাকি ধর্মের উদ্দেশ্যে জীবন উৎসর্গ করেছেন? যারা জীবন উৎসর্গ করে তাদের তো খাবারের পয়সাও জুটে না। মোবারক সাহেব তৎক্ষণাৎ বলেন, আমাদের তো শুধু নিকাহ হয়েছে, এখনো মেয়ে উঠিয়ে নেয়া হয় নি। আপনাদের যদি এতই সন্দেহ থাকে তাহলে আপনারা চাইলে আপনাদের মেয়েকে নিজ ঘরে রেখে দিতে পারেন। একথা বলে রাগ করে তিনি সেখান থেকে চলে যান। যাহোক, তিনি আত্মাভিমান প্রদর্শন করেন আর আল্লাহ্ তা'লাও তার আত্মাভিমানের মর্যাদা রেখেছেন। কেননা ওয়াক্ফ থাকা অবস্থায়ও আল্লাহ্ তা'লা তাকে অচেল ধনসম্পদের অধিকারী করেছিলেন। বেশ অর্থিক স্বচ্ছলতা ছিল তার।

খলীফাতুল মসীহ সালেস (রাহে.)-এর যুগে তিনি আইন বিষয়ক উপদেষ্টা ছিলেন। মামলার জন্য শহরের বাইরে যাওয়ার প্রয়োজন পড়ত এবং বাসে সফর করতে হতো। তখন রাবওয়াতে সফরের জন্য সবার কাছে গাড়ির সুবিধা ছিল না। খলীফাতুল মসীহ সালেস (রাহে.)-এর নির্দেশ ছিল যখনই সফর থেকে ফিরবে, সবার আগে আমার কাছে এসে রিপোর্ট করবে। একবার ফিরতে অনেক রাত হয়ে যায়। তিনি বলেন, ফজরের নামাযের ২ ঘন্টা পূর্বে রাবওয়া পৌঁছি, তাই আমি ভাবি, এখন গিয়ে খলীফাতুল মসীহ সালেস (রাহে.)-কে সংবাদ দিলে (তার) রাতের ঘুম নষ্ট হবে, তাই এটি ঠিক হবে না। তিনি হয়ত ঘুমুচ্ছেন অথবা নফল নামায পড়ছেন। যাহোক, (ফজরের নামাযের) দুই ঘন্টা পূর্বে আমি পৌঁছি, তাই আমি চিন্তা করি, ফজরের নামাযে গিয়ে সংবাদ দিব। হযরত খলীফাতুল মসীহ সালেস (রাহে.) তাকে ফজরের নামাযে দেখতে পেয়ে জিজ্ঞেস করেন, মোবারক সাহেব রাতে কখন ফিরলেন? আমি উত্তরে বলি, হযুর! দেড়-দুই ঘন্টা পূর্বে পৌঁছেছি। এটি শুনে হযুর (রাহে.) বলেন, তুমি যদি আসা মাত্রই আমাকে জানিয়ে দিতে তাহলে আমিও কিছুক্ষণ ঘুমাতে পারতাম। তোমার জন্য আমি অপেক্ষা করছিলাম, সফর শেষে ভালোভাবে পৌঁছলে কিনা- এটি নিয়ে চিন্তা করছিলাম।

এরপর তাঁর পুত্র লিখেন, আমি যখন ওয়াক্ফ (জীবন উৎসর্গ) করার ইচ্ছা করি, অর্থাৎ জামেয়ায় যাওয়ার ইচ্ছা পোষণ করি তখন তিনি আমাকে বলেন, ওয়াক্ফ হলো আনুগত্যের আরেক নাম। তুমি কিছুটা রাগী স্বভাবের, এভাবে ওয়াক্ফ করা যায় না। ওয়াক্ফ তো কেবল নীরবতা অবলম্বন ও আনুগত্যের সাথে দায়িত্ব পালনের নাম। তুমি যদি এমনটি করতে পার তাহলে অত্যন্ত খুশির কথা, নতুবা আমার এটি পছন্দ নয় যে, একবার জীবন উৎসর্গ করবে আর পরে গিয়ে তা ছেড়ে দিবে। এভাবে তিনি উপদেশ দিয়েছিলেন এবং তরবিয়ত করেছিলেন। আল্লাহ্ তা'লার কৃপায় এখন পর্যন্ত সেই পুত্র দায়িত্ব পালনের সৌভাগ্য পাচ্ছেন এবং ভবিষ্যতেও পেতে থাকুন। যুগ-খলীফার খুতবার সময় পরিবারের সদস্যদের জন্য

নির্দেশ ছিল, খুতবার সময় সব কাজ ছেড়ে দিয়ে মনোযোগের সাথে খুতবা শ্রবণ কর। কোন উপদেশ, নির্দেশনা কিংবা আর্থিক তাহরীক করা হলে খুতবা সমাপ্ত হতেই সেই আহবানে সাড়া দিতেন এবং পাশাপাশি সন্তানদেরও নির্দেশ দিতেন।

আঞ্জুমানে তাঁর সহকারী আইন উপদেষ্টা মির্খা আদিল আহমদ সাহেব লিখেন, আমি যতদূর লক্ষ্য করেদেখেছি, তিনি খিলাফতের সত্যিকার প্রেমিক ছিলেন। দোয়ার প্রতি তার অটল বিশ্বাস ছিল। কোন দুশ্চিন্তা বা উৎকণ্ঠা দেখা দিলে, কিংবা খুব বেশি কঠিন কাজের জন্য তাকে যেতে হলে তিনি বলতেন, নফল নামাযে অনেক দোয়া করেছি, সদকাও দিয়েছি, যুগ খলীফার সমীপে (দোয়ার জন্য) লিখেছি, (এখন) দেখো! আল্লাহ্ তা'লা কৃপা করবেন। তিনি বলেন, খুবই আত্মাভিমানী মানুষ ছিলেন। কিন্তু জামা'তের জন্য কোন দপ্তরের চা প্রস্তুতকারী কিংবা সাহায্যকারী কর্মীর সাহায্য করতে হলেও কোন ধরনের অসম্মান বোধ করতেন না এবং কর্মকর্তাদের সাথে যোগাযোগের জন্য সম্ভাব্য সকল প্রকার মাধ্যম অবলম্বন করতেন।

একবার আঞ্জুমানের পক্ষ থেকে কোন সিদ্ধান্ত নেয়া হয়েছিল। তাঁর মতে, সেই সিদ্ধান্তে আমল করা হলে জামা'তের ওপর মন্দ প্রভাব পড়ার সম্ভাবনা ছিল বা জামা'তের ওপর এর ক্ষতিকর প্রভাব পড়ার আশঙ্কা ছিল। তিনি আমাকে বলেন, এ সিদ্ধান্তটি সঠিক মনে হচ্ছে না। কিন্তু পুনরায় তিনি বলেন, যুগ-খলীফাকে আমরা আমাদের মতামত লিখে জানাচ্ছি। আমাদের কাজ হলো যুগ-খলীফার নিকট আমাদের মতামত পৌঁছানো। এরপর তিনি যে সিদ্ধান্ত প্রদান করবেন তাতেই কল্যাণ নিহিত থাকবে। ডাক্তার সুলতান মুবাম্বের সাহেব বলেন, তার মাঝে কর্মকর্তাদের সাথে সুসম্পর্ক গড়ার বিশেষ দক্ষতা ছিল। এ সম্পর্কে তিনি সর্বদা জামা'তের স্বার্থে ব্যবহার করেছেন। কঠিন থেকে কঠিনতর পরিস্থিতিতেও তার মুখে সর্বদা হাসি লেগে থাকত। তার চেহারায় কখনো ভয়ভীতির চিহ্ন দেখা যেত না। জামা'তের বিভিন্ন মামলার কাজে এমনসব স্থানেও যেতে হতো যেখানে বিভিন্ন ধরনের বিপদের সম্ভাবনা ছাড়া জীবনের জন্যও হুমকি থাকত। কিন্তু এই বীরপুরুষ কখনোই স্থায়ী আবশ্যিক দায়িত্ব পালনের ক্ষেত্রে গা বাঁচিয়ে চলেছেন। এছাড়া যেমনটি আমি বলেছি, আল্লাহ্ তা'লা তাকে আর্থিক স্বাচ্ছন্দ্যও দান করেছিলেন। বড়-এর মাধ্যমে আল্লাহ্ তা'লা তাকে অনেক সাহায্য করতেন। তিনি অনেক বড় বড় অংকের লটারি পেতেন। ডাক্তার সাহেব বলেন, একবার তিনি পঞ্চাশ লাখ টাকার পুরস্কার পেয়েছিলেন। তা থেকে প্রায় ৬০ শতাংশ বিভিন্ন খাতে এবং দরিদ্রদের সাহায্যের জন্য দান করে দেন। এটি কেবল একবারেরই ঘটনা নয়, বরং সবসময়ই তার এ নীতি ছিল। আল্লাহ্ তা'লা বড় বড় অংকের অর্থ দান করতেন আর সেখান থেকে মোটা অংকের অর্থ তিনি চাঁদা এবং দরিদ্র লোকদের সাহায্য সহযোগিতার জন্য দিয়ে দিতেন। তিনি বলেন, তার বড় বড় দুটি আকাঙ্ক্ষা ছিল। সেজন্য দোয়ার আবেদনও জানাতেন। এর একটি হলো আজীবন জামা'তের সেবা করতে পারা এবং অপরটি হলো সচল থাকা অবস্থায় পৃথিবী থেকে বিদায় নিতে পারা, যেন কারো ওপর বোঝা হয়ে থাকতে না হয়। আল্লাহ্ তা'লা তার এ দুটি ইচ্ছাই পূর্ণ করেছেন। আমি দেখেছি, তার মাঝে অগণিত আরো অনেক গুণ ছিল। খুবই ধৈর্য ও মনোবলের সাথে কাজ করতেন। কখনো অস্থির হতেন না। আল্লাহ্ তা'লার ওপর অসাধারণ ভরসা ছিল। আল্লাহ্ তা'লা তার পদমর্যাদা উন্নীত করুন, তার বংশধরদের তার দোয়ার উত্তরাধিকারী করুন। নামাযের পর আমি এদের সবার গায়েবানা জানাযার নামায পড়াব, ইনশাআল্লাহ্।

(কেন্দ্রীয় বাংলা ডেস্কের তত্ত্বাবধানে অনূদিত)

না হওয়ারই সামিল। 'লা তাতগাউ'- নির্দেশের মাধ্যমে এ বিষয়ের প্রতি ইঞ্জিত করা হয়েছে জাতির তত্ত্বাবধান না করা এক প্রকার অত্যাচার। কেননা, এর ফলে জাতির মধ্যে পুনরায় অসৎ কর্মের ধারা ফিরে আসে। ব্যক্তি বিশেষের উচ্চ মর্যাদায় পৌঁছে যাওয়া জগতের জন্য মোটেই কল্যাণকর নয়। কেননা তার মৃত্যুর পরই পুনরায় অন্ধকার নেমে আসবে। সকলে সঠিক পথ অবলম্বন করাই হল সফলতা, যাতে মন্দের মূলোৎপাটন হয়। কিন্তু দুঃখের বিষয়, এই শিক্ষা থাকতেও মুসলমানেরা কেবল যে ধর্মীয় শিক্ষার ক্ষেত্রেই পিছনে থেকে গেছে তা নয়, বরং জাগতিক জ্ঞান-বিজ্ঞান ও উন্নতি সম্পর্কেও একেবারে উদাসীন হয়ে আছে। তারা মানব জাতির কল্যাণের কাজেও খুব কম অংশগ্রহণ করে। অথচ অন্যান্য জাতির বীর যোদ্ধারা শিক্ষা ও বিজ্ঞানের প্রতিটি ক্ষেত্রে উন্নতি করার চেষ্টা করছে।

(তফসীর কবীর, ৩য় খণ্ড, পৃ: ২৬৫)

২০১৫ সালে সৈয়্যাদানা হযরত খলীফাতুল মসীহ আল খামেস (আই.)-এর জার্মানী সফর

৯ই জুন, ২০১৫

(নিকাহর ঘোষণা ও অবশিষ্ট রিপোর্ট)

এরপর হযুর আনোয়ার (আই.) নিম্নোক্ত নিকাহর ঘোষণা করেন-

১। শাহিদা মগফুর, পিতা-মগফুর আহমদ ও সাইফুর রহমান (মুবাঞ্জিগ সিলসিলা, জার্মানী), পিতা-আব্দুর রহমান নাসের।

২। ওজীহা আনোয়ার (ওয়াকফা নও) পিতা- রফীরুর রহমান আনোয়ার সাহেব ও আসিম বিলাল আরিফ (ওয়াকফে নও), পিতা নাসীর আহমদ আরিফ সাহেব।

৩। নুরাইন ফারুক (ওয়াকফা নও), পিতা আসিফ ফারুক সাহেব এবং নুমান খালিদ (জামিয়া আহমদীয়া জার্মানীর ছাত্র) পিতা খালিদ মাহমুদ সাহেব।

৪। সাওবানা নাসিম (ওয়াকফা নও), পিতা নাসিম আহমদ বাজওয়া সাহেব এবং হাসীব আহমদ (জামিয়া আহমদীয়া জার্মানীর ছাত্র) পিতা মুবারক আহমদ ঘুমান সাহেব।

৫। আমাতুল হাদী আলিয়া নূর হিবশ, পিতা হিদায়াতুল্লাহ হিবশ সাহেব এবং তাহের নাদীম চৌধুরী (ওয়াকফে নও), পিতা নুরুদ্দীন চৌধুরী সাহেব।

৬। দুররে আযম লোন (ওয়াকফা নও) পিতা সাঈদ আহমদ লোন সাহেব এবং মহম্মদ যুরথিস্ত হিবশ, পিতা হিদায়াতুল্লাহ হিবশ সাহেব।

৭। সায়েমা আনআম বাজওয়া (ওয়াকফা নও), পিতা তাহের আহমদ বাজওয়া সাহেব এবং মহম্মদ আতহার কাহলৌ (ওয়াকফে নও), পিতা মহম্মদ আসগার কাহলৌ সাহেব।

উপরোক্ত নিকাহর ঘোষণার পর হযুর আনোয়ার (আই.) দোয়া করেন এবং দোয়ার পর সকলের সঙ্গে করমর্দন করেন।

বুলগেরিয়া থেকে আগত অতিথিদের সঙ্গে সাক্ষাত

এবছর বুলগেরিয়া থেকে ৭৬জন অতিথি জলসায় অংশগ্রহণ করেছিলেন, যাদের মধ্যে পঞ্চাশ জন অতিথি ৩০ ঘন্টারও বেশি সময় সফর করে এখানে পৌঁছেছিলেন। অতিথিদের মধ্যে ৪৬জন খৃষ্টান এবং অ-আহমদী ছিলেন।

হযুর আনোয়ার (আই.) সকলের সঙ্গে কুশল বিনিময় করে জলসা কেমন লাগল এবং তাঁদের মতামত কি তা জানতে চান।

দলের এক সদস্য বলেন, আমি পূর্বেও জলসাও যোগদান করেছি।

এবছর খুব ভাল লাগল। জলসার সমস্ত ব্যবস্থাপনা খুবই উন্নত মানের ছিল। বক্তব্যগুলি আমরা মন দিয়ে শুনেছি। হযুরের বক্তব্য আমাদেরকে প্রভাবিত করেছে। জামাত আহমদীয়া পৃথিবীকে মন্দ কাজ থেকে বিরত রাখতে এবং পৃথিবীতে শান্তি প্রতিষ্ঠিত করতে ইতিবাচক ভূমিকা পালন করছে।

* জামিয়া আহমদীয়া জার্মানীতে বুলগেরিয়ান ছাত্র আব্দুল্লাহ শিষ্কারত আছেন। তাঁর পিতা প্রশ্ন করেন যে আব্দুল্লাহ কি ভাল শিক্ষা অর্জন করছে? হযুর বলেন, যে শিক্ষা সে অর্জন করছে তা খুবই ভাল। সে কতটা শিখেছে তা তো জানা নেই, কিন্তু জামিয়া পাশ করার পর তাকে প্রশিক্ষণও দেওয়া হবে। আশা করি, সে বুলগেরিয়ার জন্য একজন ভাল মুবাঞ্জিগ হয়ে উঠবে। খোদা তা'লা তৌফিক দিন, সে যেন বিনয়ের সাথে নিজের উৎসর্গকরণকে স্বার্থক করে তুলতে পারে। আব্দুল্লাহর পিতা ইব্রাহিম সাহেব একদিন গর্ব করে বলবেন, 'আমার ছেলে মুবাঞ্জিগ।'।

আব্দুল্লাহর পিতা বলেন, আমার ছেলের জন্য এমন মেয়ে চাই যে জামাতের জন্য কল্যাণকর হবে। পাকিস্তানি হোক বা অন্য কোন দেশের। ভাল কোন মেয়ে দরকার যাতে জামাতের জন্য কল্যাণের কারণ হয়।

এক ভদ্রমহিলা বলেন, আমার সম্পর্ক ইয়েমেনের সঙ্গে। বুলগেরিয়াতে পি.এইচ.ডি করছি। হযুর আনোয়ার যে শিক্ষা বর্ণনা করেছেন যে, যে ব্যক্তি নিজেকে মুসলমান বলে সে মুসলমান, এই শিক্ষা আমাকে গভীরভাবে প্রভাবিত করেছে। এই শিক্ষা পৃথিবীতে শান্তি প্রতিষ্ঠাকারী। কুরআন করীমে লেখা আছে, যে ব্যক্তি খোদার পথে শহীদ হয়, সে জীবিত। এবং খোদার সন্নিধান থেকে তার রিযক দেওয়া হয়। এর কি অর্থ?

হযুর আনোয়ার বলেন পাকিস্তানে আমাদের অনেক আহমদীকে শহীদ করা হয়েছে। যেহেতু তারা ধর্মের কারণে প্রাণ দিয়েছেন, সত্যের উপর প্রতিষ্ঠিত আছেন, সত্যকে চিনেছেন, নিজেদের ধর্মের জন্য প্রাণ দিয়েছেন তাই খোদা তা'লা তাদেরকে বিনষ্ট করবেন না।

হযুর আনোয়ারর বলেন, ইহলৌকিক জীবন অস্থায়ী। মৃত্যুর পর যে জীবন লাভ হয় সেটি হল

পরলৌকিক জীবন। যাকে রিযক দেওয়া হবে সে খোদার সন্তুষ্টি অর্জনকারী হবে, তার পদমর্যাদা উচ্চ হবে যা অনুমান করা যায় না। শহীদদের বংশধররাও তার থেকে উপকৃত হয় এবং জাগতিক দৃষ্টিকোণ থেকে অনেক উন্নতি করে।

শহীদদের সম্পর্কে আল্লাহ তা'লা যে বলেছেন, তারা জীবিত- এর অর্থ হল তাদের কাজ অমর হয়ে থাকবে। যে ধর্মের কারণে তারা আত্মবলিদান দিয়েছে সেই ধর্মে আরও জীবন সৃষ্টি হবে। অভূতপূর্ণ উন্নতি হবে ও অসাধারণ সফলতা লাভ হবে আর শহীদদের বংশধররাও তার থেকে লাভবান হবে।

ইয়েমেনের কথা বলতে গেলে মুসলমানেরা সেখানে একে অপরকে হত্যা করছে, পরস্পর হানাহানি করছে। তাই খোদা তা'লা তাদের সঙ্গে কিরূপ আচরণ করবেন তা তিনিই জানেন।

কিন্তু একটি দেশের উপর জোর করে যুদ্ধ চািপিয়ে দেওয়া হলে, যুদ্ধ করতে বাধ্য করা হলে, আত্মরক্ষার জন্য যদি অস্ত্র ধারণ করে, আর আত্মরক্ষা করতে গিয়ে যদি কেউ নিহত হয় সে শহীদ হিসেবে গণ্য হবে।

এখন ইয়েমে যুদ্ধ হচ্ছে, শিয়া ও সুন্নীর মধ্যে হানাহানি খুনোখুনি চলছে। সিরিয়াতে শিয়া ও সুন্নী পরস্পরকে হত্যা করছে। ইসলাম এই ধরণের অত্যাচারের মোটেই অনুমতি দেয় না।

হযুর আনোয়ার বলেন, এই কারণেই তো হযরত আকদস মসীহ মওউদ (আ.) এর আবির্ভাব আবশ্যিক ছিল, যাতে তিনি সমস্ত মুসলমান ও ফিকাদেরকে একত্রিত করেন। এখন মসীহ মওউদকে মান্য করার মধ্যেই মুসলমানদের অস্তিত্ব নির্ভর করছে।

প্রশ্ন করা হয়েছে, যে আয়াতে বলা হয়েছে যে শহীদরা জীবিত আছে, সেই আয়াত দ্বারা প্রমাণ করা হয় যে হযরত ঈসা (আ.) জীবিত আছেন আর তাঁকে রিযক দেওয়া হচ্ছে।

হযুর আনোয়ার বলেন, হযরত ঈসা (আ.) যদি আকাশে জীবিত থাকেন, তবে শহীদরা সকলে জীবিত আছেন। তাই এই আয়াতের ভুল অর্থ বের করবেন না। এছাড়া ঈসা (আ.)-এর মৃত্যু সম্পর্কে আরও যে সব আয়াত আছে, সেগুলি প্রণিধান করুন। আল্লাহ তা'লা প্রথমে মৃত্যুর উল্লেখ করেছেন অতঃপর

তুলে নেওয়ার (উত্তীর্ণ করার) উল্লেখ করেছেন। যদি ঈসা (আ.) জীবিত থাকেন আর তাঁকে রিযক দেওয়া হয়ে থাকে, আর তাঁর ফিরে আসার কথা মানতে হয়, তবে সেই একই আচরণ অন্যান্য শহীদদের সঙ্গেও করা হবে। সেক্ষেত্রে হযরত ঈসা (আ.)-এর বিশিষ্টতা কি বাকি থাকল?

প্রশ্নকারী বলেন, আমি পূর্বে এই বিশ্বাস পোষণ করতাম যে, ঈসা (আ.) জীবিত আছেন। হযুর আনোয়ারের ভাষণসমূহ শুনে আমার মনে এই বিশ্বাস বন্ধমূল হয়েছে যে হযরত ঈসা (আ.) মৃত্যু বরণ করেছেন।

হযুর আনোয়ার বলেন- জীবিত নবী হলেন নবী করীম (সা.)। জীবন্ত পুস্তক হল কুরআন করীম এবং জীবন্ত ধর্ম হল ইসলাম আর ইসলামী বিধান। যদি মৃত কোন নবীই আসত, তাও আবার বানী ইসরাঈল জাতির কোন নবী। তবে আমাদের আত্মাভিমান সহ্য করবে না যে বনী ইসরাঈল জাতির কোন নবী আমাদের হিদায়াতের জন্য আসুক। কাজেই কোন মৃত নবী আসবে না। আঁ হযরত (সা.)-এর উম্মতের মধ্য থেকে তাঁর ভবিষ্যদ্বাণী অনুসারে যে মাহদী ও মসীহ হযরত ঈসা (আ.)-এর রূপক হয়ে আসার কথা ছিল, তিনি এসে গেছেন। আজ পৃথিবীর মুক্তি ও শান্তি সেই সত্তার সঙ্গেই সম্পৃক্ত।

একজন অতিথি বলেন, আমি একজন খৃষ্টান। জলসার আয়োজন খুব ভাল ছিল। আমাদের সব রকম সেবা করা হয়েছে।

আমার প্রশ্ন হল, সমগ্র জগতের সৃষ্টি এক ও অভিন্ন। তাই আকাশ থেকে যদি কেউ আসে তবে পৃথিবীতে বিবাদের উৎপত্তি হবে না।

হযুর আনোয়ার বলেন, খৃষ্টানরা পিতা-পুত্রের তত্ত্ব তুলে ধরে। অনেক সময় পুত্র বিশৃঙ্খলা তৈরী করে। দুই খোদা হলে পৃথিবীতে অরাজকতা সৃষ্টি হবে। তিনি যদি আকাশ থেকে নাও আসেন, আকাশেই বসে থাকেন আর সেখান থেকেই নিজের নির্দেশ দিতে থাকেন, সেক্ষেত্রেও পৃথিবীতে বিবাদ-বিশৃঙ্খলা দেখা দিবে।

হযরত ঈসা (আ.) বনী ইসরাঈল জাতিতে এসেছিলেন তাদের সংশোধনের জন্য। তিনি নিজের কাজ পুরো করে বিদায় নিয়েছেন।

আঁ হযরত (সা.)এর আবির্ভাব ঘটল এবং তাঁর ভবিষ্যদ্বাণী অনুসারে

শেষে যুগে তাঁরই অনুসরণে হযরত আকদস মসীহ মওউদ (আ.)এর আবির্ভাব ঘটল। তাঁকে জামাত আহমদীয়া মেনে নিল। জামাত এখন তাঁর শিক্ষা মেনে চলছে।

একজন অতিথি প্রশ্ন করেন যে, পৃথিবীতে যতগুলি ধর্ম আছে, সবগুলিতেই জান্নাত ও দোষখের শিক্ষা আছে। তাদের মধ্যে কিছু মানুষ হানাহানি-খুনোখুনিতে লিপ্ত থাকে।

হযুর আনোয়ার বলেন- কোন ধর্মই মানুষ খুন করার শিক্ষা দেয় নি। আল্লাহ তা'লা একথাই বলেছেন যে, সৎকর্ম করলে প্রতিদান পাবে আর পাপ করলে তার শাস্তি পাবে। আল্লাহ তা'লা কুরআন করীমে জান্নাতান (দুটি জান্নাত) বলেছেন। ইহজগতে সৎকর্মশীলদের জন্য জান্নাত নির্ধারিত আছে আর পরকালেও জান্নাত আছে। আর যারা খুনোখুনি ও হানাহানির শিক্ষা দেয়, তাদের কাজ শয়তানী কাজ। আল্লাহ তা'লা কুরআন করীমের সূচনাতেই রূপকভাষায় এর উল্লেখ করেছেন। সৎকাজ করলে জান্নাতে যাবে আর কলহ-বিবাদের মত অসৎ কাজ করলে শাস্তি ভোগ করবে।

হযুর আনোয়ার বলেন-জামাত সৎকর্ম সম্পাদনের চেষ্টা করে। জামাত শান্তির শিক্ষা দিচ্ছে; সেই বাণী দিচ্ছে যা খোদার বাণী। জামাত আহমদীয়া মানবতার মূল্যবোধ প্রতিষ্ঠিত রাখে। কাজেই জামাতের বার্তা অনুসরণ কর, পুণ্য কর্ম কর।

হযুর আনোয়ার বলেন, ধর্মই যদি বিবাদ ও বিশৃঙ্খলা ডেকে আনে! তবে জামাতের মধ্যে ধর্ম তো কোন বিশৃঙ্খলা সৃষ্টি করে নি। জামাত হত্যা করার শিক্ষা দেয় না। বরং শান্তির শিক্ষাই দিয়ে চলেছে। যেভাবে জাগতিক নিয়মে অসৎকর্ম সম্পাদনকারী ব্যক্তি শাস্তি ভোগ করে, ঠিক তেমনি খোদার নিয়ম আছে যেখানে অসৎকর্মশীলরা শাস্তি পায়।

এক ভদ্রমহিলা বলেন- আমি ধন্যবাদ জানাতে চাই। আপনাদের গোটা ব্যবস্থাপনা অত্যন্ত সুসংগঠিত ও উৎকৃষ্ট মানের ছিল। আমি হযুর আনোয়ারে সমস্ত বক্তব্য শুনেছি। একথা আমাকে বলতেই হবে যে, যদি শিশু থেকে বৃদ্ধ সকলে এই বক্তব্য শোনে, তবে তাদের সর্বোত্তম তরবীয়ত হতে পারে। আমি আমার নাতি ও নাতিনার জন্য দোয়ার আবেদন করছি, কেউ যদি বুলগেরিয়ায় থাকে তবে তাদেরকে দেখাশোনা

ও শিক্ষাদীক্ষার ব্যবস্থা করুক, যাতে এর নষ্ট না হয়ে যায়।

হযুর আনোয়ার বলেন- বুলগেরিয়ার আইন এই অনুমতি দেয় না। বুলগেরিয়ান মুবাল্লিগরা তৈরী হয়ে তারা সেখানে যাবে। আমরা দোয়া করছি, আপনিও দোয়া করুন যে, আল্লাহ তা'লা সেদেশের সরকারকে তৌফিক দিন যাতে তারা দেশে ধর্মীয় স্বাধীনতা প্রদান করে আর মোল্লাদের পিছনে না চলে। বরং সত্যকে চেনার জন্য খোলা সুযোগ ও স্বাধীনতা দেয়।

প্রতিনিধি দলের এক সদস্য হযুর আনোয়ারের ভাষণগুলির ভূয়সী প্রশংসা করে বলেন, পৃথিবী যদি হযুর আনোয়ারের কথা মেনে নেয়, সেই নির্দেশ মেনে চলে, তবে ধবংস থেকে রক্ষা পাবে।

ইতেম সাহেব সপরিবারে জলসায় অংশগ্রহণ করেছেন। ভদ্রলোক কয়েকবছর পূর্বে খৃষ্টধর্ম ত্যাগ করে ইসলাম গ্রহণ করেছেন। আহমদী হওয়ার পূর্বে এক খৃষ্ট সম্প্রদায়ের সঙ্গে যুক্ত ছিলেন। সেখানে বেশ ভাল চাকরী করছিলেন। কিন্তু আহমদী হওয়ার পর সমস্ত সুযোগ ছেড়ে দিয়ে সেখান থেকে পৃথক হয়ে গেছেন।

ভদ্রলোক বছর কয়েক পূর্বে যুক্তরাজ্যের জলসায় হযুর আনোয়ারে সঙ্গে সাক্ষাতের পর বয়আত করেছিলেন। কিন্তু তাঁর স্ত্রী ইসলাম গ্রহণ করেন নি।

তাঁর স্ত্রীর বক্তব্য ছিল এই যে, 'আমার তিন মেয়ে, যদি পুত্র সন্তান লাভ হয় তবেই আহমদী হব। ভদ্রমহিলা হযুর আনোয়ারের কাছে দোয়ার পত্র লেখেন। পরের বছর পুনরায় সাত মাসের অন্তঃসত্তা হয়ে তিনি জলসায় আসেন। সাক্ষাতের সময় তিনি শিশুর নামকরণের আবেদন করলে হযুর আনোয়ার (আই.) কেবল পুত্র সন্তানের নাম 'জাহিদ' প্রস্তাব করেন।

জলসা থেকে ফিরে গিয়ে ভদ্রমহিলা মুবাল্লিগ সাহেবকে বলেন, ডাক্তার বলেছে আমার গর্ভে কন্যা সন্তান আছে। তাই হযুরের কাছে পুনরায় কন্যাসন্তানের নাম চেয়ে পাঠান।

একথা শুনে মুবাল্লিগ সাহেব বলেন, আপনি তো বলেছিলেন পুত্র সন্তান হলে তবেই আহমদী হবেন। আর হযুর আনোয়ারও কেবল পুত্রসন্তানের নাম প্রস্তাব করেছেন। তাই ইনশাআল্লাহ পুত্র-সন্তানের জন্মই হবে দেখবেন। ডাক্তারের কথা ভুলও হতে পারে। একথা শুনে সেই মহিলা বলেন, আমি তো ইতিপূর্বেই

আহমদী হয়ে গেছি। এখন আমার আর কোন শর্ত নেই।

শিশু ভূমিষ্ঠ হওয়ার দেখা গেল আল্লাহ তা'লা তাঁকে পুত্রসন্তান দান করেছেন। তিনি জলসায় ছেলেকে সঙ্গে করে এনেছিলেন আর লোকদের বলছিলেন, 'এটি যুগ খলীফার দোয়ার গ্রহণীয়তার স্পষ্ট নিদর্শন।

মারিয়ো বিকোভ নামে এক আইনজীবী গত ৭ বছর থেকে এই জলসায় অংশগ্রহণ করেছেন। তিনি বলেন-

আজ ইসলামের প্রকৃত রূপ কেবল খলীফাই বর্ণনা করেন। অন্যান্য মুসলমানেরা ইসলামের দুর্নাম তৈরী করেছে। হযুর আনোয়ার ইসলামের যে ভাবমূর্তি তুলে ধরছেন সেটিই প্রকৃত ইসলাম। জগতবাসীকে এদিকে দৃষ্টি আকর্ষণ করা উচিত।

অতিথিদলের এক মহিলা বলেন- 'খলীফাতুল মসীহর কথাগুলি কেবল ব্যক্তিগত ও পারিবারিক জীবনকে সুসজ্জিত করে তোলার নিশ্চয়তা দেয় না, বরং তাগোষ্ঠী ও সমাজজীবনকেও সুন্দর করে গড়ে তোলার নিশ্চয়তা প্রদান করে।

সাফাত আরিফুফ সাহেব নামে এক নবাগত আহমদী নিজের আবেগ অনুভূতির কথা জানিয়ে বর্ণনা করে একটি কবিতা রচনা করেছেন যার সারমর্ম হল

' হে মহম্মদের দাস! আমার প্রিয় রব তোমাকে মনোনীত করেছে। যে এই যুগে আঁ হযরত (সা.)-এর চারিত্রিক বৈশিষ্ট্য প্রত্যক্ষ করতে চায়, সে এই দাসের চেহারা দেখে নিক। হে আমার প্রিয় হযুর! আমি আপনার চোখে ক্ষুদ্র একবিন্দু অশ্রু দেখেছি, যা আমার হৃদয়ের গুঞ্জন ভূমিকে শস্যশ্যামলা বানিয়ে দিয়েছে। তাঁর অশ্রু দিয়ে জামানীতে আমি জান্নাত দেখেছি। আমার প্রিয় হযুর! আপনি এক অসাধ্য সাধন করেছেন, আমার মত অসহায় মানুষকে বুলগেরিয়া থেকে খুঁজে বের করেছেন। আমি আপনার কৃপার জন্য আন্তরিকভাবে কৃতজ্ঞতা ব্যক্ত করছি।

৮ই জুন, ২০১৫

হাজেরী থেকে আসা
অতিথিদলের সঙ্গে সাক্ষাত।

হাজেরী থেকে ২১ জনের একটি দল জলসায় এসেছিল। হযুর আনোয়ার তাদের সঙ্গে কুশল বিনিময় করেন।

* মেয়ইয়াই লাসজো সাহেব জলসায় অংশগ্রহণ করেছিলেন। তিনি পুলিশ বিভাগে বিভিন্ন পদে আসীন থেকেছেন। বর্তমানে হাজেরী এক বিপ্লবী প্রধানমন্ত্রীর নামে একটি

তহবিল গঠন করেছেন, যার মাধ্যমে জনকল্যাণমূলক কাজ করেন। খৃষ্ট ধর্মাবলম্বী এই ভদ্রলোক নিজের ভাবাবেগ বর্ণনা করে বলেন-

ছোট বড় প্রত্যেকে সালাম করছিল, পরস্পরের সঙ্গে ভালবাসা বিনিময় করছিল। আমি তাদের ভাষা বুঝতে পারছিলাম না ঠিকই, কিন্তু তাদের চেহারার হাবভাব দেখে বুঝেছি, তারা স্নেহ-ভালবাসার প্রসার করছে। প্রাচ্য থেকে পাশ্চাত্য, আমি গোটা পৃথিবীটাই দেখেছি, কিন্তু কোথাও এমন অদ্ভুত দৃশ্য দেখি নি। জলসায় এই বিচিত্র প্রভাব আমার স্মৃতিপটে অক্ষয় হয়ে থাকবে। আমি অবশ্যই আমার বন্ধু-বান্ধব ও পরিচিতদেরকে জামাত আহমদীয়ার এই জলসায় বিষয়ে জানাব।

খলীফাতুল মসীহর সঙ্গে সাক্ষাতের পর তিনি বলেন, 'যতক্ষণ আমি সেখানে বসেছিলাম, আমি অনুভব করছিলাম যেন খলীফাতুল মসীহর সত্তা থেকে আলোক রশ্মি বিকিরিত হয়ে আমার মধ্যে প্রবেশ করেছে। জলসায় সময়ও আমি এমনটাই অনুভব করেছি, খলীফা যখন ভাষণ দিচ্ছিলেন তখন মনে হচ্ছিল যেন তাঁর চোখ থেকে আলো বেরিয়ে এসে শ্রোতাদের সকলের উপর পড়ছে আর শ্রোতার তাঁর পূর্ণ নিয়ন্ত্রণে আছে।

তিনি বলেন, এমন শৃঙ্খলাপূর্ণভাবে এতবড় জমায়েতের আয়োজন করাই এক অবর্ণনীয় বিস্ময়ের উদ্বেক করে।

গ্যাবর তামাস সাহেবও জলসায় অংশগ্রহণ করেছেন। গত বছরও তিনি এসেছিলেন। এবছর নিজেই ফোন করে জিজ্ঞাসা করেছেন যে তিনি এবারও জলসায় অংশগ্রহণ করতে পারেন কি না। সাক্ষাতের সময় হযুর আনোয়ার তাঁকে জিজ্ঞাসা করেন, 'আপনি তো গত বছরও এসেছিলেন?' এতে তিনি খুবই আশ্চর্য হয়ে বলেন, 'হযুর লক্ষ লক্ষ মানুষের সঙ্গে সাক্ষাত করেন, তবুও কিভাবে মনে রাখেন?' তিনি নিজের আবেগ অনুভূতির কথা ব্যক্ত করে বলেন, 'আমি আপনাদের জলসায় অংশ করে ঈমানের দিক থেকে সতেজতা অনুভব করছি। আপনারা অত্যন্ত বীরত্বের সাথে পৃথিবীতে এবং আন্তর্জাতিক স্তরে শান্তি প্রতিষ্ঠার জন্য সচেষ্ট হয়েছেন। হযুর আনোয়ার কালকে ইংরেজিতে যে ভাষণটি দিয়েছেন, তা একদিকে

EDITOR Tahir Ahmad Munir Sub-editor: Mirza Safiul Alam Mobile: +91 9 679 481 821 e-mail: Banglabadar@hotmail.com website: www.akhbarbadrqadian.in www.alislam.org/badr	REGISTERED WITH THE REGISTRAR OF NEWSPAPERS OF INDIA AT NO PUNBEN/ 2016 / 70524 সাপ্তাহিক বদর Weekly BADAR Qadian Distt. Gurdaspur (Pb.) INDIA Qadian - 143516	MANAGER SHAIKH MUJAHID AHMAD Mob: +91 9915379255 e.mail: managerbadrqnd@gmail.com
POSTAL REG NO GDP- 43 / 2020 -2022	Vol. 6 Thursday, 15 April, 2021 Issue No.15	

ANNUAL SUBSCRIPTION : Rs.500/- (Per Issue : Rs. 9/-) (WEIGHT: 20-50 gms/issue)

যেমন মানবতাকে ধ্বংস হওয়া থেকে রক্ষা করে, তেমন অপরাধিকে মানবীয় মূল্যবোধকেও প্রতিষ্ঠিত রাখে।

হযুর আনোয়ার বলেন-আমরা সারা পৃথিবীতে মানবীয় মূল্যবোধ প্রতিষ্ঠিত করতে চাই। এটি হলে তবেই পৃথিবীতে শান্তি, সহিষ্ণুতা ও ভ্রাতৃত্ববোধ প্রতিষ্ঠিত হবে এবং এই পৃথিবী শান্তিনীড়ে পরিণত হবে।

একজন নবাগত আহমদী এক মাস পূর্বেই বয়আত করেছেন। তিনিও জলসায় অংশগ্রহণ করতে এসেছিলেন। তিনি একটি স্কুলে শিক্ষকতা করেন, সেই সঙ্গে তিনি জৈব-রসায়ন নিয়ে পি.এইচ.ডি করছেন। হযুর আনোয়ার বলেন, আল্লাহ তা'লা আপনাকে বরকত দিন আর আপনার সকল পুণ্যময় আকাঙ্ক্ষাগুলি পূর্ণ করুন।

হাজেরীর অতিথি দলে এক আফগান অ-আহমদী ছিলেন, যার নাম মহম্মদ আজমল সাহেব। কিছুকাল পূর্বেই জামাতের সঙ্গে তাঁর পরিচয় হয়েছে। জলসায় অংশগ্রহণের পর তিনি বলেন, আপনাদের জামাতে আমি অমুসলিম সুলভ কোন বিষয় দেখি নি। এটি খুব সুন্দর ইসলাম যা আপনারা উপস্থাপন করছেন। পাকিস্তান ও অন্যান্য দেশ আপনাদের উপর যে অত্যাচার করে তা সম্পূর্ণ অবৈধ। চতুর্দিকে ভালবাসা ও ভ্রাতৃত্ববোধ এবং আঁ হযরত (সা.)-এর উপর দরুদ প্রেরণ করা হচ্ছে। প্রকৃত ইসলাম তো আপনাদের কাছেই আছে।

গাবুর পিটার সাহেব একজন ইহুদী, যিনি শিক্ষা বিভাগের সঙ্গে যুক্ত। জলসায় অংশগ্রহণ করার পর তিনি বলেন, আমি এখানে জলসায় অংশগ্রহণ করে প্রকৃত ইসলামের শিক্ষা শুনেছি। আমার জীবনের সব থেকে গুরুত্বপূর্ণ দিনগুলির মধ্যে ছিল জলসায় এই দিনগুলি। জামাতে আহমদীয়া প্রত্যেকের সঙ্গে আলোচনা করে এবং সকলের সঙ্গে মিলে কাজ করতে চাই।

হযুর আনোয়ার বলেন, আমাদের সকলের মধ্যে যে সাদৃশ্যপূর্ণ বিষয়গুলি আছে, সেগুলির উপর ঐক্যবন্ধ হওয়া উচিত এবং সকলে মিলে মানবীয় মূল্যবোধ প্রতিষ্ঠিত করা উচিত এবং একে অপরকে সম্মান করা উচিত।

তাঁর সম্পর্কে হাজেরীর মুবাল্লিগ সাহেব বলেন, জলসায় অংশগ্রহণ করার পূর্বে যখন ইসলাম এবং ইহুদী ধর্ম সম্পর্কে তাঁর সঙ্গে আলোচনা করা হত, অনেক সময় তিনি ঝজুতারও আশ্রয় নিতেন। কিন্তু হযুর আনোয়ারের সঙ্গে সাক্ষাতের পর তিনি বলেন, 'আপনারা ভালবাসা সকলের তরে, ঘৃণা নয়কো কারো পরে- এই শিক্ষার উপর বিশ্বাসই করেন, শুধু তাই নয়, বরং আমি নিজেই দেখলাম যে, আপনারা এই নীতিবাক্যকে অনুশীলনও করেন। হযুরের সঙ্গে সাক্ষাতের পর তিনি বিতর্ক করা ছেড়ে দিয়েছেন আর জলসায় আমন্ত্রিত করার জন্য ধন্যবাদ জানিয়ে বলেছেন, হাজেরীতে জামাতের যদি কোন সহায়তার দরকার হয়, আমাকে অবশ্যই বলবেন।

মোরিতানিয়ার বাসিন্দা একজন পুরোনো আহমদীও জলসায় অংশগ্রহণ করেছেন, যিনি বর্তমানে হাজেরীতে থাকেন। তিনি বলেন, হাজেরীতে তিনি একজন ছাত্র হিসেবে এসেছিলেন আর সেখানেই পাকাপাকিভাবে বসবাস করতে শুরু করেন। আমার জন্য সব থেকে বেশি প্রশান্তিদায়ক বিষয় হল, আমি জামাতে আহমদীয়ার অংশ। আমার সৌভাগ্য যে আমি একজন আহমদী এবং সুন্দরতম স্থানে বসবাস করছি। আর কতই না সৌভাগ্যের বিষয় যে আজ এখানে আমি হযুরের সঙ্গে সাক্ষাত করছি, তাঁর সঙ্গে কথা বলছি।

হাজেরীর ইসমাইল সাহেব এমনিতে বুরকিনা ফাসোর মূল বাসিন্দা, কিন্তু হাজেরীতেই থাকেন। তিনি কিছুকাল পূর্বে বয়আত করেছেন। কিন্তু জামাতের সংস্পর্শে ছিলেন। এখন কোন এক বন্ধুর মাধ্যমে যোগাযোগ হয়েছে। তাঁকে জলসায় আসার জন্য আমন্ত্রিত করা হলে তিনি নিজ কন্যা শ্বাউড়ির সঙ্গে জলসায় অংশগ্রহণ করেছেন। হাজেরীর এক মহিলার সঙ্গে তাঁর বিয়ে হয়েছিল। তার থেকে দুই মেয়ে আছে।

মেয়েদেরকে এমন কোন ইসলামী সমাবেশে পাঠানো তার মায়ের জন্য সম্ভব ছিল না। এই জন্য তিনি মেয়েদের নানীকে সঙ্গে এনেছেন।

ইসমাইল সাহেব সাক্ষাতের সময় বলেন, খোদার প্রতি কৃতজ্ঞতা জানাই, এই জন্য যে আমি সেই পবিত্র জামাতের সঙ্গে যুক্ত হয়েছি এবং জাগতিক মলিনতা এবং অন্যান্য ফির্কার পারস্পরিক দ্বন্দ্ব ও বিবাদ থেকে সুরক্ষিত আছি।

হাজেরীর মুবাল্লিগ সাহেব বলেন, মেয়েদের নানীকে 'ওয়ান কমিউনিটি ওয়ান লিডার' -এই ভিডিওটি দেখানো হয়েছিল। এই ভিডিওটি তাকে বিশেষভাবে প্রভাবিত করে আর জলসা গাছে পৌঁছনো মাত্রই আক্ষেপ করতে

হয় পাতার পর.....
টাকা পুরস্কার দিতে প্রস্তুত আছি। দেখুন, আমি সত্য প্রকাশের জন্য কতটা অর্থ খরচ করতে প্রস্তুত। কিন্তু কি কারণে কেউ আমার প্রশ্নের উত্তর দেয় না?

(তারইয়াকুল কুলুব, খণ্ড-১৫, পৃ: ৩৮০)

৪) বারাহীনে আহমদীয়ার ৫ম ভাগে দুশ টকার পুরস্কার ঘোষণা দিয়ে তিনি লেখেন- 'দীর্ঘ সময় অতিবাহিত হয়েছে, আমি এই প্রমাণিত বিষয়টি নিয়ে একটি ইশতেহার দিয়েছিলাম। আজ পর্যন্ত কেউ সেই ইশতেহারের জবাব দেয় নি। এখন পুনরায় আমি 'হুজুত' (অব্রাহাম ও আকাটা যুক্তি) পূর্ণ করার জন্য দুটি নগদ পুরস্কার দেওয়ার ঘোষণা দিয়ে ইশতেহার প্রকাশ করছি যে, আমার কোন বিরুদ্ধবাদী যদি এই বিবৃতিকে নির্ভরযোগ্য এবং অকাট্য না মনে করে, তবে সে নির্ভরযোগ্য হাদীস বা আরবের প্রাচীন, স্বীকৃত ও সাহিত্য শিল্পে প্রতিষ্ঠিত কোনও কবির রচনা থেকে একটি বাক্য উপস্থাপন করুক যাতে তওয়াফফা' শব্দের কর্তা খোদা এবং ব্যক্তি বিশেষ কর্মকারক, যেমন যায়েদ, বাকার, খালিদ ইত্যাদি- আর সেই বাক্যের অর্থ মৃত্যু নয়, বরং স্পষ্টভাবে অন্য কিছুকে বোঝানো হয়েছে। এক্ষেত্রে আমি এমন ব্যক্তিকে দুশ টাকা নগদ পুরস্কার দিব। (বারাহীনে আহমদীয়া, ৫মভাগ, খণ্ড-২১, পৃ: ৩৮০)

পরিশেষে মুসলমানদের দুর্দশার নিয়ে একটি কাহিনী বর্ণনা করে নিবন্ধটি সমাপ্ত করব। হযরত মসীহ মওউদ (আ.) বলেন-

'তাদের উপমা সেই হিন্দু ব্যক্তির ন্যায়, যার বাস ছিল আদ্যেপান্ত এক মুসলিম বসতিতে। যে কিনা চরম অনাহারে মৃত্যু মুখে পতিত হয়েছিল। মুসলমানদের পরম সুস্বাদু ও স্বাস্থ্যকর খাদ্য হাতের কাছে ছিল, যা হিন্দুদের পিতৃপুরুষেরাও হয়তো কখনও দেখে নি, অথচ সে সেই খাদ্য একটুও মুখে দিল না। এমনকি সে ক্ষিধের জ্বালায় মারা গেল। সে খায় নি, কারণ মুসলমান সেই খাদ্য স্পর্শ করেছিল। এদেরও সেই একই অবস্থা- তাদের ধারণা অনুসারে যে অকাট্য যুক্তিগুলি আমার হাত স্পর্শ করেছে, সেগুলিকে তারা কাজে লাগাতে চায় না। কিন্তু আমি বার বার বলছি, হিন্দু হয়ো না, এই যুক্তিগুলি আমার নয়, আমার হাতও এগুলি স্পর্শ করে নি। এগুলি সবই খোদার পক্ষ থেকে, সানন্দে ব্যবহার কর। দেখ, কতগুলি স্পষ্ট কুরআনের আয়াত ও হাদীস হযরত ঈসা (আ.)-এর মৃত্যু সম্পর্কে সাক্ষ্য দিচ্ছে, সাহাবাদের 'ইজমা' (নির্বিন্দ সিম্বল) সাক্ষ্য দিচ্ছে, চার ইমাম সাক্ষ্য দিচ্ছে, لَنْ نَجِدَ لِسُنَّةِ اللَّهِ تَبْدِيلًا আয়াতের সহায়ক চিরাচরিত রীতি সাক্ষ্য দিচ্ছে! এতদসত্ত্বেও যদি না মান তবে তা নিতান্তই দুর্ভাগ্যের বিষয়।'

(তোহফায়ে গোস্তিবিয়া, পৃ: ৯৪) (মনসুর আহমদ মসরুর)